

握蘭軒隨筆卷上

清 秀水卜陳彝簡菴著

易

田何傳易授丁寬丁寬授田王孫王孫授沛人施雠東
海孟喜琅琊梁邱賀由是有施孟梁邱之學又東郡京
房授易於梁國焦延壽別爲京氏學又有東萊費直傳
易授琅琊王橫爲費氏學本以古字號古文易又沛人
高相傳易授子康及蘭陵母將永爲高氏學
梁邱京氏四家皆立博士費高二家未得立

母將施孟

尚書

濟南伏生傳尚書授濟南張生及千乘歐陽生歐授同郡倪寬寬授歐陽生之子世世相傳至曾孫高爲尚書歐陽氏學張生授夏侯都尉都尉授族子始昌昌傳族子勝爲大夏侯氏學勝傳從兄子建建別爲小夏侯氏學三家皆立博士又魯孔安國傳古文尚書授都尉朝姓都尉名朝朝授膠東庸譚爲尚書古文學

詩

魯人申公受詩于浮邱伯爲作訓詁是爲魯詩齊人轅

固生亦傳詩是爲齊詩燕人韓嬰亦傳詩是爲韓詩趙人毛萇傳詩是爲毛詩

禮

魯高唐堂生漢興傳禮十七篇後瑕邱蕭奮以授同郡后蒼蒼授梁人戴德及德兄子聖沛人慶普於是德爲大戴禮聖爲小戴禮普爲慶氏禮孔安國所獻禮古經五十六篇及周官經六經前世傳其書未有名家

春秋

齊胡母子都傳公羊春秋授東平嬴公嬴公授東海孟

卿卿授魯人眭宏宏授東海嚴彭祖魯人顏安樂彭祖
爲春秋嚴氏學安樂爲春秋顏氏學又瑕邱江公傳穀
梁春秋梁太傅賈誼爲春秋左氏傳訓詁授趙人貫公
何休字邵公得公羊本意著公羊墨守言其義不可
攻如墨翟之
守城也左氏膏肓穀梁廢疾鄭元乃發墨守鍼膏肓起廢
疾休見而嘆曰康成入我室操我矛以伐我乎

五禮

吉凶軍賓嘉也尙書類于上帝吉禮也如喪考妣凶禮
也羣侯四朝賓禮也命禹徂征軍禮也女于時嘉禮也

人時

書敬授人時主春者張昏中可以種稷主夏者火昏中
可以種黍菽主秋者虛昏中可以種麥主冬者昴昏中
可以收斂也天子視四星之中知民緩急故云

九鼎

禹鑄九鼎象九州凡山水百物皆備秦昭王取九鼎一
飛入泗水餘八入於秦

印信

秦以前民皆得以金玉爲印龍虎鈕惟其所好秦以來

天子獨以印稱璽又獨以玉羣臣莫敢用

北戶

日南之地日色南照故開北戶以向日

短褐

褐以毛毳織之若馬之衣或以褐編衣也短一音豎謂
褐布豎裁為勞役之衣短而且狹也今用短褐字恐悞
短為短

百一

得百中之二焉秦地險固二萬人足當諸侯百萬人也

齊得十二亦如之

鐘

漢書容六石四斗史記云鐘致一石未知孰是

葦路藍縷

葦路柴車素大輅也藍縷言衣敝壞其縷藍藍然也

薄曲

周勃以織薄曲為生謂織蠶薄為生業蠶薄即今蠶簾
也

掃除竈上

李斯言秦欲并天下若炊婦掃除竈上之不淨不足爲難也

碌碌

碌碌多石貌又因人成事通作鹿鹿又作碌碌陸陸六六音義竝同

顏甲

進士王光遠千索豪橫無厭或遭笞辱亦不愧恥時人語曰光遠慚顏厚於十重鐵甲也

足下

介子推不出晉文公焚林求之推抱木而死公撫之甚哀後伐木製履每俯視則流涕悲乎足下足下之名自此起

銀鹿

顏峴家僮名銀鹿後事魯公終其身今使人因名爲銀鹿

青蚨

青蚨似蟬而稍大生草閒如蠶取其子母卽飛來以母血塗八十一文以子血塗八十一文每市物或先子錢

或先母錢皆復飛歸輪還往來無已故號錢曰青蚨

行李

左傳云行李之往來注云行李使人也今人以行裝為行李非也當作行使解舊文李字疑訛為李字

李與悖同

改國字

唐武則天好改新字有言國中著或字或者惑也乞以武鎮之乃改或作武復有言武在口中與囚何異乃改作王字

金榜

崔紹暴卒復生云見冥門列榜人間姓名將相列金榜其次銀榜州縣小吏竝列鐵榜故至今凡登科榜名為金榜題名

乾沒

漢書注云得利曰乾失利曰沒非也此與陸沈之義同

闌干

王元景使梁劉孝綽送之泣下元景無淚謝曰卿勿怪我別後當闌干

門神

歲旦繪二神帖于門之左右俗說門神通名也蓋在左
曰神荼右曰鬱壘

鶴田

許氏家傳孫太白山人寓南屏山蓄鶴一九杞先生入
田數畝額粟若干石每歲輸以供鶴糧謂之鶴田

非錢不行

唐鄭愔為吏部侍郎掌選貪贓不法引銓日有選人以
百錢繫靴帶行步有聲愔見而問之對曰當今之選非
錢不行

慎名與器

史記慎名與器不可以假人今人用作惟恐慎之訛

正月 音政

正月始月端月也本讀作上聲秦避始皇諱讀改平聲
為征

荆楚

楚稱荆者以避秦莊襄王諱也王諱子楚

唐晉

唐叔虞封于唐唐叔子燮是為晉侯以南有晉水故改

焉

東道主

晉秦圍鄭鄭恐閒令使謂秦繆公亡鄭秦厚晉秦不爲利君何不解鄭爲東道主行李之往來供其困乏鄭在秦東故云恐未可概用漢光武謂鄧晨曰以十郡爲我北道主人概用之誤可見

敗乃公事

漢高帝罵曰豎儒幾敗乃公事敗字作一頓乃公事作一句乃公高帝自謂也公下添一之字更見明白

孫武孫臆

孫武子者齊人事吳王闔閭爲將作兵法十三篇以吳王愛姬作隊長教戰死吳顯名諸侯孫子力也孫臆武裔也與龐涓共學鬼谷子涓自知不如臆爲魏將召臆以法刑斷其兩足而黥之後臆殺死涓于馬陵大樹下則顯是兩人

堅白異同

公孫龍爲堅白異同之論汝南有龍淵水可用淬刀劍特堅利故有堅白之論云黃所以爲堅也白所以爲利

也或辨之曰白所以爲不堅黃所以爲不利則異同矣
趙高
趙高趙疏族也趙高昆弟數人皆生隱宮蓋高父犯宮
刑妻子沒爲奴婢妻後野合生高等皆承趙姓竝宮之
故云兄弟生於隱宮

徐市 音福

徐市近誤以市爲市又改市爲福市欲避秦始皇假
求神仙名入海選童男女各五百人百工技藝無不備
具資秦立國海外卽今日本國也迄今尙多古文書

不識紇字

臧紇叔梁紇音呬而世多呼爲核唐蕭穎士聞人誤呼
武仲名因曰紇字也不識今呼瞎愈誤矣

睢陽忠烈

賊圍睢陽危甚張巡遣南霽雲乞師于賀蘭進明不與
斷一指同行部將王抃亦斷一指先死睢陽史獨不志
忠烈泯滅惜哉

南漢

按廣州府劉王家磚有景定辛巳之號則劉隱亦有年

號史佚之耳

北漢

後漢劉閔知遠弟其子湘陰公斌為漢嗣尋廢之為周郭威所殺閔遂即位於太原此以父繼子也

五馬渡江 音紅

晉五馬琅琊王司馬睿彭城王司馬釋 一曰西陽王司

馬羨汝南王司馬祐南頓王司馬宗今止記四馬以彭

城王最先亡故也 洛中童謠曰五馬浮渡江一馬化

為龍

素王

孔子稱素王近讀帝王之王平聲不知此王字當讀作去聲

改根為銀

韓昶文公愈之子雖教有義方而性頗闇劣嘗為集賢校理史傳有金根車而昶以為誤悉改根為銀後除拾遺坐此字罷

堯九男

堯娶散宜氏之女曰女皇生丹朱又有庶子九人皆不

學海類編
肖也

焚廩

史記舜乃以兩笠自扞而下去 通史云眡使舜滌廩
舜告二女二女曰時其焚汝鵲汝衣裳鳥工往舜既登
廩得免去也 列女傳二女教舜鳥工上廩以兩笠自
扞有似鳥翅而輕下得不損傷

浚井

通史云舜穿井又告二女二女曰去汝裳衣龍工往入
井瞽瞍與象下土實井舜從他井出也 括地志云舜

井在媯州懷戎縣西外城中其西又有一井竝舜井也

羿浞

帝相被篡歷羿浞二世四十年而本紀不記此馬遷疏
略也 寒浞殺羿於桃梧而烹之以食其子其子不忍
食殺於窮門浞遂代夏襲有窮之號因羿之室生稟及
殪

放桀

淮南子湯放桀於歷山桀與妹喜同舟浮江南奔南巢
之山而死

五遷

湯自南亳遷西亳仲下遷敖河亶甲居相祖乙居耿盤
庚渡河南居西亳是爲五遷

啓紂嫡庶

世云啓與紂異母啓長而庶生紂次而嫡出 呂氏春
秋言母當生啓時猶未正立及生紂時始立爲妃故啓
大而庶紂小而嫡鄭元亦云同母

太伯

太伯奔吳所居城在蘇州北五十里常州無錫縣界梅

里村其城冢可考

文武

大戴禮云文王十五歲而生武王則武王少文王十四
歲矣禮記文王世子篇云文王九十七而終武王九十
三而終按文王崩時武王已八十三矣八十四卽位至
九十三崩武王已滿十年書言十三年伐紂者續文王
受命年欲明其卒父業也

西東周君

世本西周桓公名揭居河南東周惠公名班居洛陽

學海類編
卷之三
老據
柳下惠

論語註柳下食邑名孟子註居柳下趙岐註孟子云柳下是號按食邑見左傳孔疏居柳下見莊子註然總不知出何書且魯地竝無柳下邑里之名又按趙岐此註柳下惠姓展名禽字季柳下是其號亦似有誤據柳下氏展係公子展之後名獲見國語字禽見左傳又字季見國策莊子曰諡惠見列女傳是禽與季皆是字而趙岐以禽爲名季爲字是名字且誤何況其號左傳孔疏季五十字禽二十字

捲白波

古有酒令名捲白波起於東漢初擒白波賊如席捲故酒席言之以快人意耳

宦海

仙傳拾遺有道士謂顏真卿奇骨可度世不然必沈宦海

握蘭軒隨筆卷下

營衛

清 秀水卜陳彝簡菴著

黃帝以師為營衛環繞軍兵為營以自衛今轅門即其遺象正義軍行以車為陣轅相向為門故云

九夷

吠夷 于夷 方夷 黃夷 白夷 赤夷 元夷

風夷 陽夷

異類感人

仇愈字徽猷自言頃年爲東州一邑宰晨起視事方受牒訴有鸛雀翔舞庭下驅馳久之方去明日復來仇異之遣一吏跡所止出城數里見一大樹鸛雀止其上有巢焉數子啁啾其中下有數人持鋸斧繩索將伐之吏止引其人見仇問所值曰五千仇以己錢如數付之戒勿伐鸛雀異類也其若有求于廉吏也如此

茶名

一曰茶二曰檟三曰葑四曰茗五曰薜楊雄注云蜀西南謂茶曰葑郭璞云早取爲茶晚爲茗又爲薜

三徑

近世多謂淵明故事讀楊誠齋詩云三徑初開自蔣卿再開三徑是淵明誠齋庵有三三徑一徑花開一徑行則知三徑之開淵明其後也考蔣詡竹下開三徑惟故人求仲羊仲從之游耳

滑稽

滑稽也稽同也謂辯捷之人言非若是言是若非能亂異同也 一云滑稽酒器可轉注吐酒不已以言俳優之人出口成章詞不窮竭如滑稽之吐酒不已也

眠兒歌

歌內翰所作文字名目至廣唐學士撰宮中眠兒歌卽是今之刺彌月頭文

丈人

丈人本父友之號不必婦翁漢書匈奴傳天子我丈人行唐人尤喜稱之杜子美上韋左丞詩曰丈人試靜聽不聞子美之妻爲韋氏也如此者甚多柳子厚記先友韓退之其一也至與之書乃稱退之十八丈友而字之者以其齒相近乎近歲之俗不問行輩年齒泛相稱必

曰丈不知起自何人而舉世從之耶

屬橐

舊說歐陽公雖作一二字小簡亦必屬橐其不輕易如是然今集中所見乃明白平易反若未嘗經意者而自然爾雅非常人所及東坡大抵相類初不過爲文采也

商均

舜妃娥皇女英娥皇無子女英生商均

瞽瞍

無目曰瞽舜父有目不能分別好惡故時人謂之瞽配

字曰眈眈亦無目之稱也孔安國

響卜

王建集有鏡聽詞謂懷鏡于通衢閒聽往來之言以占
休咎近世人懷杓今謂打瓢以聽亦猶是也又有無所懷而
直以耳聽之謂之響卜蓋以有心聽無心耳往往而驗
曾叔夏尙書應舉時方待省榜元夕與友生偕出至御
街有士人緩步大言誦東坡謝表曰彈冠結綬共欣千
載之逢曾聞之喜遂疾行其友生後至則聞曰掩面向
隅不忍一夫之泣是歲曾登科而友生被黜

微仲

微子名開卒立其弟衍是爲微仲禮記微子舍其孫脂
而立衍鄭元曰微子嫡子死立其弟衍

顛倒祖孫父字

曾西卽曾申本曾子之子而孟子註曰曾子孫虞仲論
語註曰卽仲雍曾西爲曾子之孫朱子明是誤註至泰
伯仲雍同竄荆蠻仲雍繼太伯爲君是爲商諸侯武王
得天下大封同姓以仲雍之孫名周章者封爲吳繼太
伯之後而以周章之弟名中者封之于虞繼仲雍之後

是爲虞仲謂中爲仲也此朱註顛倒祖孫父子處

顛倒弟兄

子糾是兄小白是弟而朱註曰小白兄而子糾弟明是誤註至管叔兄周公弟孟子明言之矣史記世家亦曰一伯邑考二武王發三管叔鮮四周公旦獨趙岐註則曰周公以爲管叔弟也故愛之管叔以爲周公兄也故望之爲兄爲弟總不可定

句吳

吳國號句字乃吳人發語氣也

中秋翫月

不知起何時考古人賦詩則始于杜子美而戎昱登樓望月冷朝陽與空上人宿華嚴寺對月陳羽觴鑑湖望月張南史和崔中丞望月武元衡錦樓望月皆在中秋則自杜子美以班班形於篇什前乎子美想已然也第以賦詠不著見於世耳江左如梁元帝江上望月朱超舟中望月庾肩吾望月而其子亦有船中望月唐太宗遼城望月雖各有詩而皆非爲中秋宴賞作也然則翫月盛于中秋其在開元以後乎

上元張燈

按唐名儒沿襲漢武祠太乙自昏至旦故事梁簡文帝有列燈賦陳後主有光璧殿遙詠燈山詩唐明皇開元初東都設燈文宗開成中設燈迎三宮太后是則唐以前歲不常設宋太宗三元不禁夜上元御端門中元下元御東華門其後罷中下二元上元觀遊之盛冠于前代矣

敗越夫椒

夫椒在吳郡吳縣太湖中椒山是也

同姓名

漢有兩韓信唐有兩韓翃固已政和閒常子然謝任伯江子武同訪晁伯宇及晁叔用于昭德之第因觀梁蕭子顯古今同姓名錄見有王敦四王莽二董卓三子武曰本朝有兩在太宗時見登科記官不甚顯叔用曰以此諸人聚於一時則奈何伯宇曰無害我此有九張良足以制之座上無不大笑子房至有九人同其姓名而世莫知可見今人讀書比古人少也

青脣

元豐閒三韓人使在四明唱和詩奏到御前其詩序有
慚非白雪之詞敢効青脣之唱之句神宗問青脣事近
臣皆不知因薦趙元考彥若對曰在某小說中然君臣
閒難言也容臣寫本上進上覽之止是夫婦相酬答之
言語耳不肯面對者在君父前宜其恭謹如此

重耳

重耳出亡十九年入國時年六十二矣

伯夷叔齊

孤竹君之子姓墨胎氏父名初字子朝伯夷名元字公

信叔齊名致字公達夷齊諡也

孔子母

孔子父叔梁紇娶施氏生九女其妾生孟皮病足乃求
婚於顏氏徵在史記云紇與顏氏野合而生孔子按男
女婚姻過期爲野合時紇年六十四歲求婚顏氏故云
翳桑餓人

史記餓人示眯明也注音示眯爲祈彌卽左傳之提彌
明據左氏桑下餓人是靈輒其示眯明是嗾葵者也當
以左傳爲是

狀元之誤

按狀元之目始自辟召而宋朝科舉取士之法合以省試正奏第一名當之今呼廷試第一名爲狀元非也宋元祐閒潞公在朝因馬涓來謝嘗言其事自此人莫不知而莫敢能改也

石炭

不知始自何時熙甯閒初到京師東坡作石炭行一首言以冶鐵作兵器甚精亦不言始於何時觀前漢書地理志豫章郡出石可然爲薪隋王邵論火事其中有石炭二字則知石炭用于世久矣

百家姓

百家姓相傳宋人作故首趙攷爾雅志有唐虞世南百家姓一卷

僞書

毛漸僞三墳張昇僞元命苞孫定僞關尹子阮逸僞元經宋咸僞孔叢子徐靈府僞文中子戴師愈僞麻衣子袁康僞吳越春秋明崑山王逢年僞天祿閣外史海鹽姚士舜僞於陵子皆不可不知也

分水縣

分水縣分字草書令有作聰明者謂宜楷真書三字立邑中惡民殺人者甚眾以分爲入刀也

阿字

稽古小字多冠以阿字如阿瞞阿戎阿咸阿虎等不可枚舉卽世俗稱呼阿父阿母阿哥阿弟阿叔阿伯阿姊阿妹阿壻阿姨阿官等亦未可僕數此是何義蓋大約發語之辭南北東西同有此音耳

打字

打字概用如打鑼打鼓打稻打米打刀打槍對陣謂之打帳兩人相博謂之打拳打對之類此用力之辭打字何疑若沽酒謂之打酒頓頭飲食謂之打尖僧家化齋供謂之打飯取水謂之打水假寐謂之打睡驚擾其家謂之打攪束縛行李謂之打包裹預爲料理謂之打點曲折筭計謂之打筭學習戲曲謂之打戲聚集徒眾謂之打鬧堆聚貨物謂之打堆又打傘打糧打聽打扮之類俱非用力之辭何以概用打字偶閱歐陽修歸田錄云打字從手從丁義音滴然亦用力擊物之意此殆語

學海類編
言之訛耳

辨玉字之誤

玉字點在下畫之上者音獄凡珠玉之玉竝讀獄點在中畫之上者音粟玉工人也如孟子必使玉人雕琢之玉字當讀作粟字今人概以玉字讀之恐未辨其形亦未究其字義耳

武后改造十二字

照爲罌天爲𠂔地爲垚日爲☽月爲☾星爲○君爲𠂔臣爲𠂔載爲𠂔初爲𠂔年爲𠂔正爲𠂔

開阡陌

朱子曰阡陌便是井田一橫一直如遂上有塗便是陌洫上有路便是阡自阡陌之外有地則又閒在那裏先生所以如此者乃是要正經界恐人侵占今遇可作田處便作田更不要整齊開字乃開懇之開

文馬

文馬裝飾其馬使有文采又畫馬也

投刺正字

凡投刺開面頁古用正字張居正爲相時避其諱粘簽

後相沿用簽非是

勿勿不及草

草書有繩尺所以爲難張芝善草與人書竝作楷末云
勿勿不及草以草爲難故耳

網巾

明太祖微行至神樂觀見一道士於窗下結網巾問曰
此何物對曰此網巾也用以裹頭上則萬髮皆齊上明
日召道士命爲道官取所結網巾十三頂頒示十三省
布政司使人無貴賤皆首裹網巾遂爲定制

智永千字文

智永禪師真草千字文八百本居長安西明寺所書律
召調陽其義以閏餘對律召乃爲真本俗稱律呂者誤
亦非真本

角頁之戲

宋江爲寇東昌太守張叔夜招安文榜曰拏獲宋江者
賞萬萬貫雙執花紅拏獲李進義者賞百萬貫雙執花
紅餘遞減賞貫至二十貫一貫不等單執花紅及簪花
又不同故角頁者得之以爲采

技擊蒼頭

長于技而能擊刺者蒼頭謂以青巾裹頭以異于家也

士伍

嘗有爵而以罪奪爵皆稱士伍

築長城

邱濬曰長城之築非始于始皇自昭王時已築於隴西
趙自代王亦築于陰山下

枝梧

枝梧今作支吾小柱爲枝邪柱爲梧雖有所抵而不能

抵當也

亭長

漢高爲泗水亭長卽今所謂里長也民有爭訟吏畱平
辨得成其政 又催輸錢糧

頭會箕斂

以家之人頭數出穀而以箕斂之出史記張耳陳餘傳
占夢經

黃帝夢大風吹天下之塵垢皆去又夢人執千鈞之弩
驅羊萬羣帝寤而嘆曰風爲號令執政者也垢去土后

學海類編 卷之三
在也天下豈有姓風名后者哉執干鈞之弩異力者也
驅羊萬羣能牧民爲善者也天下豈有姓力名牧者哉
於是依二占求之得風后於海隅登以爲相得牧力于
大澤進以爲將因著占夢經十一卷

秦檜

檜母王氏外祖王本延邑人汪伯彥爲子師檜及弟棣
皆師之王公家庖甚儉二秦若之兄弟相聯句小秦曰
黃倉米飯莫言更兼齋汁相煎大秦云若蕢舌頭輪劍
紫茄肚裏行拳挾勢逞威當幼時已見之矣

半臂紫

唐皇明欲廢王后后曰三郎記得當年脫半臂紫令阿
忠更一斗麪爲生日作湯餅耶明皇惻然遂得不廢阿
忠后父也

死罪


柬中死罪二字非無謂也晉宋兵革之間禁書疏非弔
喪問疾不得行尺素故羲之作柬每首云死罪死罪也

學海類編

卷

三

考據



謚法考

清 嘉興沈蕙纒馨聞錄

惟周公旦太公望開嗣王業建功于牧野終將葬乃

制謚遂叙謚法謚者行之迹號者功之表古者有大功則賜之

善號以車服者位之章也是以大行受大名細行受

細名行出于己名生於人名謂號謚

民無能名曰神一名善

靖民則法曰皇靖安

德象天地曰帝同于天地

仁義所往曰王民往之

立志及眾曰公志無私也

執應八方曰侯所執行八

賞慶刑威曰君能行者四從之成羣曰君民從之

揚善賦簡曰聖所稱得人善

敬賓厚禮曰聖厚于禮平易不訾曰簡訾毀不信

一德不懈曰簡一曲不敬事供上曰恭供奉也

尊賢貴義曰恭尊事賢人既過能改曰恭言自知

尊賢敬讓曰恭敬有德讓有功

執事堅固曰恭守正不移毘親之闕曰恭修德以益之

尊賢讓善曰恭不專己善推于人

照臨四方曰明以明照之譖訴不行曰明逆知之行

思慮果遠曰明自任多近于專

威儀悉備曰欽威則可畏儀則可象道德聞博曰文無不知

經緯天地曰文成其道慈惠愛民曰文惠以成政

學勤好問曰文不恥下問賜民爵位曰文與同升

愍民惠禮曰文有禮而純行不爽曰定行一不傷

大慮靜民曰定思樹惠學海類編 卷之 法考 考蒙

安民大慮曰定

以慮安民

安民法古曰定

不失舊意

辟土有德曰襄

取之以義

甲冑有勞曰襄

亟征伐

綏柔士民曰德

安士以事安民以居

諫爭不威曰德

拒諫不以威

執義揚善曰德

稱人之善

剛彊直理曰武

剛無欲彊不屈懷忠恕正曲直

威彊敵德曰武

與有德者敵

克定禍亂曰武

以兵往故能定

刑民克服曰武

法以正民能使服

夸志多窮曰武

夫志行兵多所窮極

小心畏忌曰僖

思所當忌

質淵受諫曰釐

深故能受

有罰而還曰釐

知難而退

溫柔賢善曰懿

性純淑

心能制義曰度

制事得宜

聰明叡哲曰獻

有通知之聰

知質有聖曰獻

有所通而無蔽

安民立政曰成

政以安民

淵源流通曰康

性無忌

溫柔好樂曰康

好豐年勤民事

安樂撫民曰康

無四方之虞

合民安樂曰康

富而教之

五宗安之曰孝

五世之宗

慈惠愛親曰孝

周愛族親

秉德不回曰孝

順于德而不違

協時肇厚曰孝

協合肇始

大慮行節曰孝言成其節

布德執義曰穆故穆穆

中情見貌曰穆性公露

執心克莊曰齊能自嚴

資輔就共曰齊資輔佐而共成

甄心動懼曰頃精甄

敏以敬慎曰頃疾于所慎敬

容儀恭美曰昭有儀可象行恭可美

昭德有勞曰昭能勞謹

聖聞周達曰昭聖聖通合

柔德安眾曰靖成眾使安

恭己鮮言曰靖恭己正身少言而中

寬樂令終曰靖性寬樂義以善自終

治而無眚曰平無災罪也

執事有制曰平不任意

布剛治紀曰平施之政事

彌年壽考曰胡也久

保民耆艾曰胡六十曰耆七十曰艾

威德剛武曰圍禦亂患

由義而濟曰景用義而成

耆意大慮曰景耆強也

布義行剛曰景以剛行義

追補前過曰剛勤善以補過

清白守節曰貞行清白執志固

大慮克就曰貞能大慮非正而何

不隱無屈曰貞恆然無私

猛以剛果曰威猛則少寬果敢行

猛以強果曰威強甚于剛

彊義執正曰威正言無邪

辟土服遠曰桓以武定

克敬動民曰桓敬以使之

辟土兼國曰桓兼人故啓土

治典不殺曰祁秉常不衰

治民克盡曰使克盡無恩惠

好和不爭曰安生而少斷

能思辨眾曰元別之使各有次

始建國都曰元非善之長主義行德曰元以義為主

道德純一曰思道大而德一

大省兆民曰思大親民而不殺

內外思索曰思言求善

追悔前過曰思思而能改

聖善周聞曰宣聞所謂聞善事也

兵甲亟作曰莊以數征為嚴

叡圍克服曰莊通邊圍使能服

勝敵志强曰莊不撓而勝

死於原野曰莊非嚴何

屢征殺伐曰莊以嚴釐之

武而不遂曰莊武功不成

行見中外曰愨表裏

狀古述今曰譽立言稱

昭功甯民曰商明有功者

克殺秉政曰夷秉政不任賢

安心好靜曰夷不爽

慈仁短折曰懷短未六十折未三十

柔質慈民曰惠性知其愛民好與曰惠

述義不克曰丁不能成義

夙夜警戒曰敬敬身急戒各善典法曰敬非敬何以善之

有功安民曰烈以武功立功秉德尊業曰烈

剛克為伐曰翼伐功也思慮深遠曰翼小心翼翼言嚴

剛德克就曰肅成其敬使為終執心決斷曰肅果

外內貞復曰白正而復始終一

不生其國曰聲生于外家

未家短折曰傷未家未娶

死而志成曰靈志事不悖命不勤成名曰靈任本性不見賢思齊

死見神能曰靈有鬼不為厲亂而不損曰靈不能以治損亂

好祭鬼怪曰靈瀆鬼神不致遠極知鬼神曰靈其智能聰徹

愛民好治曰戴好民治典禮不愆曰戴無過

短折不成曰殤有知而天殤

隱拂不成曰隱不以隱括改其性不顯尸國曰隱以閒主國

見美堅長曰隱美過其令

殺戮無辜曰厲

官人應實曰知人能官

復佞遂過曰刺去諫曰復反是曰佞 不
思忘愛曰刺忘其愛己者

肆行勞祀曰悼放心勞于淫祀言不修德

年中早夭曰悼年不稱志 恐懼從處曰悼從處言險地

蚤孤短折曰哀早未知人事 恭仁短折曰哀體恭質仁功未施

凶年無穀曰荒不務稼 外內從亂曰荒官不治家不治

好樂怠政曰荒淫于聲樂怠于政事

好變動民曰躁數移徙

不悔前過曰戾不知而改

怙威肆行曰醜肆意行威

在國遭憂曰愍仍多喪 在國逢難曰愍兵寇之事

禍亂方作曰愍國無政動長亂 使民悲傷曰愍苛政賊害

壅遏不通曰幽弱損不凌 蚤孤鋪位曰幽鋪位即位而卒

動祭亂常曰幽易位之班

柔質愛諫曰慧以虛愛人

貞心大度曰匡心正而用察少

名實不爽曰質不爽言相應

德正應和曰莫正其德應其和

學海類編 卷之六 考象

溫良好樂曰良言其人可好可樂

施勤無私曰類義無私惟

慈和徧服曰順能使人徧服其慈和

博聞多能曰憲雖多能不至於大道

嗇於賜與曰愛言貪

滿志多窮曰惑必不足者

危身奉上曰忠險不辭難

思慮不爽曰厚不差所得

克威捷行曰魏有威而敏行

克威惠禮曰魏雖威不逆禮

好內遠禮曰煬朋行于家不奉禮

去禮遠眾曰煬不率禮不親長

教誨不倦曰長誨之道

內外賓服曰正言以正服之

肇敏行成曰直始疾行成言不深

影義揜過曰堅明義以蓋前過

疏遠繼位曰紹非其弟過得之

華言無實曰夸恢誕

好廉自克曰節自勝其情欲

逆天虐民曰抗背尊大而逆之

好更改舊曰易變故改常

名與實爽曰繆言名美而實傷

愛民在刑曰克道之以政齊之以法

擇善而從曰比比方善而從之

除殘去虐曰湯

隱哀也景武也施德為文除惡為武辟地為襄服遠為
桓剛克為僖施而不成為宣惠無內德為平亂而不損
為靈由義而濟為景餘皆象也和會也勤勞也尊修也
爽傷也肇始也怙恃也享祀也胡大也秉順也就會也
錫與也典常也肆放也康虛也叡聖也惠愛也綏安也
堅長也耆彊也考成也周至也懷思也武法也布施也
敏疾也速也載事彌文以前周書諡法周代君王竝取
作諡故全寫一篇以傳後學

諡法附考

偶記數字不見前篇者

共周共王

顯周顯王

慎周慎親王

赧周赧王

昏齊東昏侯

睿唐睿宗

真宋真宗

仁宋明仁宗

英宋英宗

哲宋哲宗

光宋明光宗

甯宋甯宗

理宋理宗

端宋端宗

世

熹明熹宗

和漢和帝

元唐元宗

代唐代宗

閔魯閔公

徽宋徽宗

冲元甯宗

學海類編

卷

諡法考

九

考



序

孔氏之徒三千人身通六藝者七十子其云三千不取
盈于三千也其云七十不限止以七十也自孔子徒人
法既亡而文翁石室象在顯晦之閒世儒據以考定弟
子之籍惟史記之傳家語之解而已議配祀之典先橫
七十之目於心胷慮溢七十二人之外于是論者紛綸
以臆斷爲進退舉凡論語春秋傳禮記漫不知省或又
于複姓者改姓一字書之粟主自國學下至府州縣學
皆然是尙得爲知禮也乎歸田之暇爰作孔子弟子考

下及門人暨孟子弟子竊思杏壇設教必先長幼之序
斯史記家語咸紀弟子之年茲先書三十三人而萊蕪
侯無年歲次于衛公者依侍坐四子倫序書之不可以
邨公先之也餘從羣書采獲具列焉小長蘆朱彝尊書

孔子弟子考

清 秀水朱彝尊錫鬯撰

魯秦子商字丕茲

家語作不茲
史記作子丕

少孔子四歲唐開元二

十七年追贈上洛伯宋大觀四年贈馮翊侯

按高郵夏氏孔門弟子記略及闕里廣志皆云商少
孔子四十歲然秦子父董父偁陽之役與叔梁紇俱
以力聞宜與孔子生年相近今據家語舊聞暨史記
索隱蘇氏古史文正之又宋大中祥符元年贈孔門
弟子侯爵商未得與至大觀四年禮局上言遂補贈

馮翊侯闕里志誤以秦祖鄆城之封移之商非也

魯顏子無繇家語少無字繇作由字季路少孔子六歲唐追贈杞

伯宋贈曲阜侯元進杞國公諡文裕

蒲大夫卞仲子由字子路子亦作季少孔子九歲唐追贈衛

侯宋贈河內侯追衛公

魯南武曾子蒧亦作點字子皙唐追贈宿伯宋追贈萊蕪

侯

蔡漆雕子開字子若史記作子開少孔子十一歲習尙書唐

追贈滕伯宋平輿侯

漢藝文志漆雕子十二篇

鄭康成曰魯人

按龜山楊氏先聖大訓以開為憑恐誤

魯閔子損字子騫少孔子十五歲唐追贈費侯宋贈琅

琊公改費公

按閔子少孔子十五歲史記家語文同小司馬索隱

可證今本家語多譌作五十歲夏氏從之非也

魯冉子雍字仲弓少孔子二十九歲唐追贈薛侯宋贈

下邳公改薛公

按今本家語仲弓無年歲而史記索隱文有之

魯冉子求字子有家語仲弓少孔子二十九歲唐追贈

徐侯宋贈彭城公改徐公

魯商子瞿字子木少孔子二十九歲唐贈蒙伯宋贈須

昌侯

齊梁子鱣或作鯉字叔魚少孔子二十九歲家語作三十九歲唐

贈趙伯宋贈千乘伯

魯顏子回字子淵少孔子三十歲唐追贈兗國公宋因

之元至順中贈復聖公

衛士師齊高子柴字子羔左傳作季羔檀弓少孔子三

十歲家語作四十唐贈共伯宋贈共城侯

鄭康成曰衛人

王應麟曰衛高柴為孔子弟子後居于魯

單父宰陳巫馬子施字子期史記作旗少孔子三十歲唐贈

鄭伯宋贈東阿侯

鄭康成曰魯人

魯衛相衛端木子賜字子貢少孔子三十一歲唐贈黎

侯宋贈黎陽公進黎公

魯有子若字子有或作子若少孔子三十三歲唐贈卞伯宋贈平陰侯

按小司馬據家語文云少三十三歲今本家語作三十六歲殆誤也

武城宰吳言子偃字子游少孔子三十五歲史記作四十五唐

贈吳侯宋贈丹陽公改吳公許慎說文偃作於象旌旗之游字子游

魯樊子須字子遲少孔子三十六歲家語作四十六唐贈凡伯

宋贈益都侯

鄭康成曰齊人

宋原子憲

檀弓稱仲憲

字子思少孔子三十六歲唐贈原伯

宋贈任城侯

鄭康成曰齊人

魯大夫武城澹臺子滅明字子羽少孔子三十九歲唐

贈江伯宋贈金鄉侯

單父宰魯宓子不齊字子賤少孔子三十九歲唐贈單

伯宋贈單父侯

按史記索隱引家語云少孔子四十九歲而今本家語無九字索隱又引史記文三十而今本史記作四

十流傳既久均失其故矣

陳陳子亢說文作伉字子禽少孔子四十歲唐贈潁伯宋贈

南頓侯

按班固古今人表其載孔門弟子甚略獨陳子三見

一陳亢一陳子禽居中中一陳子亢居中下不得其

解

魯公西子赤字子華少孔子四十二歲唐贈郃伯宋贈

鉅野侯

莒父宰衛卜子商字子夏少孔子四十四歲晚為衛文

侯師唐贈衛侯宋贈東阿公

或作河東公

改魏公

鄭康成曰溫國人

南武城曾子參字子輿少孔子四十六歲初仕于莒其

後齊迎以相楚迎以令尹晉迎以上卿唐開元中追贈

郟伯宋大中祥符二年進郟侯政和元年改贈武城侯

咸淳三年進郟國公元至順中贈宗聖公

漢藝文志曾子十八篇

王應麟曰參輿弟子公明儀樂正子春單居離曾元

曾華之徒論述立身孝行之要天地萬物之理

魯顏子幸

通典作柳咸淳臨安志作韋或作辛

字子柳少孔子四十六歲

追贈蕃伯宋贈陽穀侯

陳顓孫子師字子張少孔子四十八歲唐贈陳伯宋贈

宛邱侯改陳公

魯冉子孺字子魯

或作曾

少孔子五十歲唐贈紀伯宋贈

臨沂侯

蔡曹子卹字子循少孔子五十歲唐贈曹伯宋贈上蔡

侯

魯伯子虔

家語作處

字子析

家語作皙

少孔子五十歲唐贈聊伯

宋贈沐陽侯

按伯虔史記家語不著何地人考咸淳臨安志云是

魯人宋思陵贊曰有虔子析全魯之彥當必有所

本也聊伯志作駢伯

魯顏子高

史記索隱云家語名產今本家語作顏刻

字子驕少孔子五十歲

唐贈琅琊伯宋贈雷澤侯

魯叔仲子會字子期少孔子五十歲

魯峻石壁畫像云

唐贈瑕

丘伯宋贈博平侯

鄭康成曰晉人

學海類編卷之六
楚公孫子龍字子石少孔子五十三歲唐贈黃伯宋贈
枝江侯

按家語稱龍衛人然唐宋追封皆楚地蓋從北海鄭
氏之說若爲堅白異同之論者乃趙人樂正子輿謂
其行無師學無友非孔子弟子可知

右有年歲著于家語史記隸續者三十有一人并
曾歲共三十二人內顏淵年數王肅疑其錯誤

中都宰魯冉子耕字伯牛唐贈鄆侯宋贈東平侯改鄆
公

按聖門志闕里廣志稱伯牛少孔子七歲不審何據
臨淄大夫魯宰子予字子我唐贈齊侯宋贈臨淄公改
齊公

魯史記作齊公治子長家語作萇字子長唐贈莒伯宋贈高密侯

范甯曰名芝字子長

魯南宮子縉或作韜一名括或作適字子容唐贈郟伯宋贈

襲邱侯改汝陽侯

夏洪基曰南宮适之爲敬叔非也按史記南宮括字
子容初未嘗云是孟僖子之子孟懿子之兄也而索

學海類編
隱注遽云是孟僖子之子仲孫閱論語集注亦云諡敬叔孟懿子之兄史無其文也可疑一也适見家語一名縉是适已有二名矣而左傳孟僖子云必屬說與何忌于夫子索隱又云仲孫閱是又二名天下豈有一人而四名者乎可疑二也孔子在魯族叔頗微而南公敬叔公族元子遣從孔子時定已娶于强家矣豈孔子得以兄子妻之可疑三也禮記檀弓載南宮敬叔反必載寶而朝孔子曰喪不如速貧之爲愈也若而人豈能抑權力而伸有德謹言語而不廢于

有道之邦邪愚以敬叔之與南宮适皎然二人矣按史記南宮括字子容論語括作适家語南宮縉字子容鄭康成注檀弓稱南宮縉孟僖子之子南宮閱也字子容其妻孔子兄女又稱南宮敬叔魯孟僖子之子仲孫閱也左氏傳昭公七年孟僖子屬說與何忌于夫子使事之杜預注云說南宮敬叔僖子之子然則括也适也縉也說也閱也一子容而各有五也崇禎末高郵夏洪基元開輯孔門弟子傳略以南宮縉适括字子容爲一人以仲孫說閱諡敬叔者爲一

人至于說苑所載南宮邊子謂是适字之譌然漢書古今人表既有南容又有南宮敬叔又有南宮邊子顏師古注于南容則云南宮縉也于敬叔則名南宮适也是縉與适适與邊子均未可混而為一矣

齊公皙子哀

家語作克

字季次

沈或作

唐贈郟伯宋贈北海侯

顧炎武曰汶上縣有漢衛尉卿衡方碑其文曰履該顏原兼修季由洪适以顏原為顏淵原憲而都穆以季由即季路與兼修義不協按公皙哀字季次不為家臣太史公與原憲並稱一稱字一稱名亦古文所

嘗有也

陳公良子孺字子正唐贈東牟伯宋贈牟平侯

宋司馬子耕

家語耕上有黎字

字子牛唐贈向

或作滕

伯宋贈楚

邱侯改睢陽侯

衛琴子牛字子開一字子張唐贈南陵伯宋贈頓邱侯改贈陽平侯

家語有史記無

秦秦子祖字子南唐贈少梁伯

咸淳臨安志作沙梁

宋贈郵城侯

衛奚容子蒧字子皙

一云字楷

唐贈下邳伯宋贈濟陽侯

魯公祖子句茲字子之唐贈期思伯宋贈卽墨侯

衛廉子潔字子庸唐贈莒父伯宋大觀中補贈胙城侯

齊公西子與如字子上唐贈重邱伯宋贈臨朐侯

宰或作罕父子黑字子素唐贈乘邱伯宋大觀中補贈祈

鄉侯

魯公西子蒧字子尚唐贈祝阿伯宋贈徐城侯

秦壤駟子赤字子徒或作從唐贈北衛伯宋贈上邽侯

魯冉子季字子產唐贈東平伯宋贈諸城侯

薛子邦字子從

鄭子國字子徒唐贈滎陽伯宋贈朐山侯

司馬貞曰家語薛邦字從史記作國而家語稱邦者

蓋避漢祖諱而改鄭與薛字譌也

按仲尼之徒名字閒有同者既有魯蒧亦有奚容蒧

又有公西蒧既有冉耕亦有司馬耕既有宓不齊又

有仕不齊既有公西赤亦有壤駟赤既有卜商亦有

秦商既有原亢亦有陳亢既有狄黑亦有宰父黑既

有冉孺亦有公良孺既有秦祖亦有顏祖此名不嫌

同也冉求字子有若漆雕徒父亦字子有顏無繇

字季路仲由亦字季路顓孫師字子張琴牢亦字子
 張巫馬施字子期叔仲會亦字子期公西葳字子上
 公西輿如亦字子上秦非字子之公祖句茲亦字子
 之原憲字子思孔伋亦字子思曾葳字子皙伯虔狄
 黑奚容蒧亦字子皙壤駟赤字子徒鄭國亦字子徒
 秦冉字子開琴牢亦字子開申績字子周公伯繚亦
 字子周榮旂字子祺縣成亦字子祺顏噲字子聲樂
 欬亦字子聲漆雕哆字子斂邾巽亦字子斂此字不
 嫌同也然則薛邦鄭國子徒子從安見其名字相類

而并疑其姓氏之誤邪乃議祀典者封鄭而罷薛安
 見其必為一人揆之于禮終有未安也

齊后今本家語誤石子處字子里唐贈營邱伯宋大觀中補贈

膠東侯

魯 人子郢字子行唐贈臨淄伯宋贈南華侯

衛狄子黑字子皙家語作哲之唐贈臨濟伯宋贈林慮侯

魯商子澤字子秀唐贈睢陽伯宋贈鄒平侯

楚任子不齊字子選唐贈城伯宋贈當陽侯

魯榮子旂家語作祈字子祺家語作顏唐贈雩安伯宋贈厭次

侯

魯顏子噲子子聲唐贈朱虛伯宋贈濟陰侯

原子亢

家語作恍或作桃

字子藉唐贈萊蕪伯宋贈樂平侯

晉或作魯

公肩子定字子中唐贈新田伯宋大觀中補贈

梁父侯

魯秦子非字子之唐贈汧陽伯宋贈華亭侯

漆雕子徒父

家語作從

字子文

或云字子友

唐贈須句伯宋贈高

苑侯

燕子伋

或作級

字子思唐贈漁陽伯宋贈汧源侯

魯公夏子守字子乘宋大觀中補贈鉅平侯

按魏志有公夏浩或子乘之後

衛句子井疆字子疆唐贈淇陽伯宋贈滏陽侯

齊少叔子乘字子車唐贈淳于伯宋贈博昌侯

按應邵風俗通云凡氏于字伯仲叔季是也氏有太叔仲叔則有少叔無足異者子車之姓家語史記諸書皆作步而廣韻注云孔子弟子有少叔乘係複姓今從之

石作子蜀字子明唐贈石邑伯宋贈成紀侯

魯邽子巽

史記索隱作邽巽文翁石室圖作國選家語巽亦作選

字子斂唐贈平

陸伯宋贈高堂侯

魯施子之常字子恆唐贈乘氏伯宋贈臨濮侯

魯申子續字子周

家語今本作續

申子棠字周

史記今本作黨禮殿圖作黨

唐贈邵陵伯宋贈淄川侯

申子棖

論語

字子續

咸淳臨安志

唐贈魯伯

臨安志作阿伯

宋贈文登

侯

陸德明曰申棖鄭康成云蓋孔子弟子申續史記云申棠字周家語云申續字周也

司馬貞曰文翁圖所記有申棖申棠

王應麟曰史記申棠字周家語申續字周今史記以棠為黨家語以續為績傳寫之誤也後漢王政碑云有羔羊之潔無申棠之欲亦以棖為棠則申棠申棖一人耳唐開元封申黨召陵伯又封申棖魯伯本朝祥符封棖文登侯又封黨淄川侯俱列從祀黨即棠也一人而為二人失于詳考陸氏釋文也史記索隱謂文翁圖有申棠申棖今所傳禮殿圖有申黨無申棖

按七十子顏氏居其八冉氏居其五秦氏居其四公西氏漆雕氏居其三商氏縣氏原氏居其二若申枏申棠文翁圖記竝列開元祥符亦竝追封鄭康成陸德明疑爲一人則以續黨竝字周也夫棠黨字義相近合之可耳而高郵夏洪基強以棠枏爲諧聲字亦近鑿且如公西蒧公西輿如同字子上未嘗不竝祀何獨續與黨同字必當去其一乎竊謂唐宋議禮諸儒未爲不是有其舉之莫或廢也記有之矣

魯樂子欬

或作欣

字子聲唐贈昌平伯宋大觀中補贈建

成侯

按春秋定公十二年費宰公山不狃率費人以襲魯孔子命申須句樂頎動士厭下伐之費人北遂隳三都之城杜預注以二人爲魯大夫考樂欬家語作樂欣欣與頎偏旁相同疑頎卽是欣且文云孔子命之其爲弟子未可知也

魯顏子之僕字子叔唐贈東武伯宋贈冤句侯

魯孔子忠

或作弗

字子蔑孔子兄孟皮子唐贈汶陽伯宋

贈鄆城侯

魯漆雕子哆字子斂唐贈武城伯宋贈濮陽侯

魯縣子成字子祺今家語作子橫唐贈鉅野伯宋贈武城侯

魯顏子相史記作祖字子襄唐贈臨邑伯宋大觀中補贈富

陽侯

司馬貞曰家語無此人

按孟子昔者曾子謂子襄曰或是語顏子亦未可定

魯公伯子寮論語作寮史記索隱作繚今本作僚又作遼或云即申繚字子周唐贈

任伯宋贈壽張侯

馬融曰寮魯人弟子也

按公伯繚見史記弟子傳又見文翁禮殿圖必非無

稽之言後儒以愬子路一事斷為非聖人之徒然論

語聖門六十人所記公是公非有過未嘗少隱即宰

我冉有陳亢過皆不免似未可以一肯而盡掩其生

平也子長引孔子之言受業身通者七十有七人皆

異能之士寮蓋其一矣而致堂胡氏因家語不列其

名氏謂史記失之迨明程敏政乃建議謂是聖門之

蠹蝨請罷其祀嘉靖中行人司正薛侃復謂公伯寮

及秦冉顏何皆不見于家語而傳會于史記請均去

之愚謂家語史記周公禮殿圖傳聞異辭則有之若專信家語以史記爲傳會未免失之偏矣

鄒子單字子家唐贈銅鞮伯宋大觀中補贈聊城侯

史記禮殿圖有家語無

秦子冉字子開唐贈彭衙伯宋贈新息侯

史記殿禮圖有家語無

魯顏子何字子冉唐贈開陽伯宋贈堂邑侯

史記有家語無

按秦冉顏何二子于宏治元年少詹事程敏政請正

祀典疑爲字畫相近之誤而罷其配食自詡不舛于禮一洗前代相習之陋永爲百世可遵之典然生數千載之後安見二子必無其人釋曇積上言于周太祖曰孔子領徒三千達者七十有二升堂入室者莫過數人自餘已外豈容斥逐彼釋氏之言尙然乃以臆見斥先賢之祀天資刻薄之言吾未信爲百世可遵也

廉子瑀

禮殿圖有家語史記無

魯孺子悲

按小戴禮雜記恤由之喪哀公使孺悲之孔子學士喪禮士喪禮于是乎書鄭康成注云士之喪禮已廢矣孔子以教孺悲國人乃復書而存之方慤注云喪禮將亡聖人不可以不書必待孺悲學之然後孔子書之者以明禮之不廢亦有所因也蓋孔門自子夏兼通六藝而外若子木之受易子開之習書子輿之述孝經子貢之問樂有若仲弓閔子騫言游之撰論語而傳士喪禮者實孺悲之功也惟因論語紀悲欲

見而孔子以疾辭疑孔子拒之門牆之外不屑教誨當知始雖辭疾終授以禮以親受禮于孔子之儒反不得與配食之列斯則祀典之闕矣

公岡子之裘

序子點

按二子從射矍相之圃孔子使揚觶而語見禮記射義射既闕子路進曰由與二三子者之爲司馬何如孔子曰能用命矣則家語載之記首言孔子與門人習射于矍相之圃子路之云曰二三子是二子爲孔

學海類編
子弟子無疑也

仲孫子何忌僖子獲之子也卒諡懿子

按春秋左氏傳孟僖子將死召其大夫曰孔邱聖人之徒也臧孫紇有言曰聖人有明德者若不當世其後必有達人今其將在孔邱乎我若獲後必屬說與何忌于孔子使事之而學禮焉故孟懿子與南宮敬叔師事仲尼據此緣僖子病不相禮故曰禮人之幹也無禮無以立乃屬二子事孔子學禮焉懿子問孝對曰無違蓋語以無違僖子學禮之命樊遲不知子

告之以生事之以禮死葬之以禮祭之以禮舍禮無以教懿子也孔叢子又載懿子問書欽四鄰之義不可不附弟子之列云

仲孫子說

亦作

孟僖子之子懿子之弟居南宮又曰南

宮敬叔

按世本仲生獲生南宮縉孔安國以南宮适卽敬叔魯大夫鄭康成注禮云敬叔魯孟僖子之子仲孫閱是也又云南宮縉孟僖子之子南宮閱也字子容其妻孔子兄女陸德明釋文云南宮閱一名縉司馬貞

史記索隱亦云南宮括家語作南宮縉按其人是魯孟僖子之子仲孫閱也近高郵夏洪基辨南宮适括縉字子容是一人仲孫閱說字敬叔是一人攷春秋名號歸一圖仲孫卽閱南容敬叔僖子之子孔子弟子也而不及括縉則夏說似屬可從者孔子將適周敬叔言于昭公資車一乘馬二匹與敬叔俱至周問禮于老聃問樂于萇宏歷郊射之所考明堂之制察廟朝之度自周反魯弟子稍益進焉子曰自南宮敬叔之乘我車也而道加行是敬叔在弟子之列有功

于聖門者矣今祀典配适而無閱不無可議焉

孔子璇

按嘉靖中張孚敬改定祀典以秦冉顏何疑爲字畫之誤而罷其祀又以薛邦疑卽鄭國遂亦罷祀而并黜孔璇其說本于程敏政攷秦冉開元中追封彭衙伯大中祥符間加封新息侯顏何開元中封開陽伯大中祥符間加封堂邑侯自唐迄明從祀已久所謂有其舉之莫或敢廢而孚敬廢之過矣家語孔璇叔仲會年相比俱執筆迭侍孔子孟武伯見孔子而問

曰此二孺子之幼也于學豈能識于壯哉孔子曰然少成則天性也習慣若自然也惟因二子合傳故不復別標璇名今會既得祀璇不應獨遺矣此則祀典之闕也

衛司寇惠叔蘭

按家語子游嘗從孔子適衛與將軍子蘭相善使之受學于夫子司寇惠子之喪檀弓文也鄭司農注云惠子衛將軍文子彌牟之弟惠叔蘭也古今議弟子從祀者率本家語而孔璇惠叔蘭獨遺之不當補其

闕乎又荀啣法行篇南郭惠子問于子貢曰夫子之門何其雜也子貢曰君子正身以俟欲來者不距欲去者不止且夫良醫之門多病人隳枯之側多枉木是以雜也楊倞注云夫子弟子未詳其姓名蓋居南郭因以爲號据此疑卽蘭也

魯太史左邱子明唐貞觀十三年詔與顏淵同從祀廟庭宋祥符中贈瑕邱伯政和中改贈中都伯

葉夢得曰古有左氏左邱氏太史公稱左邱失明厥有國語今春秋傳作左氏而國語出左邱氏則不得

爲一家文體亦自不同其非一家書明甚

按左氏爲孔子弟子主其說者眾矣謂孔子將修春秋與左邱明乘如周觀書于周史歸而修春秋之經邱明爲之傳者嚴彭祖也謂左邱明親見夫子好惡與聖人同者劉歆也謂仲尼與邱明觀魯史記有所褒貶口授弟子弟子退而異言邱明恐弟子各安其意以失其真故論本事而作傳者班固也謂左氏傳理長至明至切至直至順長于二傳者賈逵也謂春秋諸家去孔子遠左氏傳出孔子壁中近得其實者

王充也謂邱明之傳囊括古今表理人事者盧植也謂邱明受經於仲尼是爲素臣者杜預也謂孔子作春秋邱明子夏造膝親受者荀崧也謂邱明之傳釋孔氏之經子應乎母以膠投漆者孔穎達也謂邱明躬爲魯史受經于仲尼者劉知幾也謂左氏受經于仲尼博采諸家敘事尤備能令萬代之下見其本末比餘傳功最高者啖助也謂仲尼明周公之志而修經邱明受仲尼之經而爲傳者權德輿也謂孔氏之門左氏富而不誣有以見聖賢之心者劉軻也謂邱

明與聖人同時接其聞見參求其長左氏爲上者陳
岳也蓋自唐以前諸儒之論皆以邱明受業孔門故
貞觀永徽中祀周公爲先聖孔子爲先師是時孔庭
配食止顏淵左邱明二人褒崇之禮若此迨宋羣儒
盡舍三傳說春秋久而論世者惑于趙匡之說則疑
左氏在孔子之前惑于王安石之說則疑左氏生孔
子之後眾口紛綸迄無定論遂使唐代特祀之先賢
并不得與七十子之列然則漢晉以來經生之說均
不足信邪竊以爲議禮者之失矣

又按司馬遷報任少卿書左邱失明厥有國語應邵
風俗通邱姓魯左邱明之後然則左邱爲複姓甚明
孔子作春秋明爲作傳春秋止獲麟傳乃詳書孔子
卒孔子既卒周人以諱事神名終將諱之爲弟子者
自當諱師之名此第稱左氏傳而不書左邱也
魯林子放唐贈清河伯宋贈長山侯

按家語弟子解史記弟子傳均無林放姓名惟蜀禮
殿圖有之

牧子皮

趙岐曰牧皮事孔子學者

按孟子與琴張曾皙並稱此必孔子之所與似不宜置之祀典之外

常子季

按莊子德充符篇常季問于仲尼曰王骀兀者也從之游者與夫子中分魯郭象注常季孔子弟子

魯大夫子服子何景伯

按漢魯峻石壁畫七十二子像有子服景伯唐劉懷玉作孔聖真宗錄以子服景伯在七十子之間

賓牟子賈

廣韻注漢複姓魯有賓牟賈

按樂記賓牟賈侍坐于孔子孔子與之言及樂賓牟賈起免席而請斯弟子之職也子曰居吾語汝論語之命季路孝經之命子輿皆然孔子蓋以師道自居則賈在弟子之列明矣惟是孔子語弟子必呼其名而記稱之曰吾子豈記禮者去聖人之世稍後遂有此失乎

鞠子語

學海類編 卷之三十一 孝據
按晏子春秋景公上路寢聞哭聲曰吾若聞哭聲何
爲者也梁邱據對曰魯孔邱之徒鞠語者也明於禮
樂審於服喪其母死葬埋甚厚服喪三年哭泣甚哀
公曰豈不可哉而色悅之孔叢子詰墨篇亦載其事
蓋曾參閔損高柴仲由孺悲而外又一孝子也

齊大夫顏子涿聚

或作濁鄒

按呂覽云顏涿聚梁父之大盜也學于孔子爲天下
名士以終其壽而史記孔子世家稱弟子三千身通
六藝者七十有二人如顏濁鄒之徒受業者甚眾則

雖不在七十子之列然不可謂非孔氏之徒矣

古家語弟子解七十六人又與叔孫會合傳有孔璇
又別見者惠叔蘭共七十八人史記弟子傳七十七
人別見孔子世家者有顏涿聚共七十八人蘇轍撰
右史著錄七十九人家語有而史記無者琴牢薛邦
申續陳亢縣亶也史記有而家語無者公伯寮鄭國
申棠鄒單秦冉顏何也益以文翁禮殿之廉瑀林放
魯峻石壁畫像之子服何禮雜記之孺悲射義之公
罔之裘序點春秋左氏傳之仲孫何忌仲孫閱晏子

學海類編
之鞠語孟子之牧皮莊子之常季通計九十八人竊謂中有姓氏相近者不當以臆見去留先師之庭宜槩應從祀他若論語之闕黨互鄉二童子魯峻石壁畫象之子慮襄子孺襄子魯公子庶顏子思夫子高韋續書品爲素王紀端製麒麟書之申姓名闕失又蘧伯玉孔子嚴事之友施存雖載陶宏景真誥在三千人之數不與弟子之列不復著錄恐滋後學之惑也

又按孔門弟子籍漢藝文志有孔子徒人圖法二卷

隋經籍志有鄭康成論語孔子弟子目錄一卷

唐藝文志

作論語篇目弟子

惜俱失傳議禮者止以國語爲憑至斥史

記爲附會若文翁禮殿圖置之不復參詳矣又會要通典祖庭廣紀素王紀事孔門簽載闕里志等編紀諸弟子連書姓名統不分析以致明南北雍闕里廟暨海內外府州縣衛學從祀弟子率改複姓爲一字姓沿其誤而不知今依廣韻注如奚容壞駟左人少叔石作左邱悉爲更正冀信古之君子有取焉又按古今人表于孔子弟子居第二等者左邱明顏淵閔

學海類編
子騫冉伯牛仲弓居第三等者宰我子貢冉有季路
子游子夏曾子子張曾皙子賤南容公冶長公西華
有若漆雕啓澹臺滅明樊遲巫馬期司馬牛子羔原
憲顏路商瞿季次公良顏刻顏柳居第四等者孟懿
子南宮敬叔公伯寮公肩子子石琴牢賓牟賈居第
五等者顏濁鄒陳亢林放申枨子服景伯

孔子門人考

清 秀水朱彝尊錫鬯撰

成回

劉向日成回學于子路

楚馯臂子弓

或作宏

司馬遷曰孔子傳易于商瞿瞿傳楚人馯臂子宏
應邵曰子弓是子夏門人

韓子曰荀卿之書語聖人必曰孔子子弓子弓之事
業不傳惟太史公書弟子傳有姓名曰馯臂子弓

吳萊曰荀卿所重仲尼子弓子弓未審何人韓子曰仲尼弟子有馯臂子弓漢儒林傳商瞿授易仲尼瞿傳魯橋疵子庸子庸傳江東馯臂子弓子弓與仲尼不同時又行事無大卓卓不足以配孔子邢昺論語疏引王弼說逸民朱張字子弓然弼說又不見有他據也要之孔子嘗稱冉雍可使南面且在德行之科雍字仲弓蓋與子弓同是一人如季路又稱子路然也將荀卿之學實出于子弓之門人故尊其師之所自出與聖人同列

按子庸傳易于子弓弓或作宏吳氏欲更作雍未免失之鑿矣

魯橋庇子庸

班固曰商瞿受易孔子以授魯橋庇子庸

司馬貞曰橋庇世本作橋疵字子肩魯莊公族

按子木傳易史記謂子宏授子庸漢書漢紀釋文謂子庸授子弓所載互異今並存之

魏文侯都

司馬遷曰文侯受子夏經藝

徐廣曰名都世本曰斯也

鮑彪曰桓子之孫

吳師道曰名勘

按文侯受經藝于子夏撰有孝經傳蔡邕明堂論引其文曰大學者中學明堂之位也又賈思勰齊民要術耕田篇引其文曰民春以力耕夏以鋤耘秋以收斂當是孝經用天之道分地之利注也

晉段干木

呂不韋曰段干木晉國之大駟也學于子夏爲天下

名士顯人以終其壽

羅泌曰段干氏初邑段後邑干因邑爲氏魏世家有段干子田世家有段干朋而風俗通氏姓注乃以爲姓段名干木蓋以呂氏春秋干木光于德與魏都賦干木之德之言誤之唐百官表遂謂封段而爲干木大夫疏矣幽通賦云木偃息以藩魏干木豈其哉名田無擇子方

李頤曰魏文侯師也名無擇

韓子曰子夏之學其後有田子方子方之後流而爲

莊周故周之書喜稱子方之爲人

齊高行子

趙岐曰高子齊人

徐整曰子夏授詩于高行子

王應麟曰高行子卽詩序及孟子所謂高子也

曾申子西

劉向曰左邱明授春秋于曾申

趙岐曰曾西曾子之孫

陸德明曰曾參之子受詩于子夏

王應麟曰曾西趙岐注以爲曾子之孫集注因之經
典序錄曾申字子西曾參之子子夏以詩傳曾申左
邱明作傳以授曾申曾西之學于此可攷楚鬪宜申
公子申皆字子西則曾西之爲曾申無疑
按史記吳起事曾子其母死不歸曾子薄之而與起
絕所云曾子疑是曾申

齊公羊高宋贈臨淄伯

戴宏論春秋曰子夏傳與公羊高

荀崧曰公羊親受子夏

梁武帝曰公羊稟西河之學

孔穎達曰孔子授春秋于卜商商授弟子公羊高穀梁赤各爲之傳

吳兢曰公羊高乃子夏弟子

魯穀梁赤宋贈龔邱伯改贈睢陽伯

應邵曰穀梁子名赤子夏弟子

楊士勳曰穀梁子名俶字元始

顏師古曰穀梁子名喜受經于子夏

按羅長源撰路史炎帝之後不言有公羊穀梁氏羅

子蒼識遺云公羊穀梁自高赤作傳外更不見有此姓萬見春謂皆姜字切韻脚疑爲姜姓假託然自高傳子平平傳子地地傳子敢敢傳子壽見于戴宏所記而班氏古今人表載有二子居第四等計劉氏宋氏世本亦必載之未必假託也

又按春秋爲孔子所作則說春秋者必係孔氏門人若公羊傳所稱沈子司馬子女子北宮子曾子高子穀梁傳所稱尸子沈子皆是已子言之春秋屬商其皆子夏之徒與

魯孔伋子思宋崇甯初贈沂水侯咸淳中加贈沂國公

孔鮒曰子思受業于曾子

韓子曰子思之學蓋出曾子

按班氏古今人表子思居第二等

樂正子春

鄭康成曰曾子弟子

魯檀弓

陸德明曰檀弓魯人善于禮

胡寅曰檀弓曾子門人纂修論語

沈猶行

趙岐曰曾子弟子

按廣韻注沈直深切漢復姓魯有沈尤氏常朝飲其羊不當從上聲讀

陽膚

包咸曰陽膚曾子弟子

公明高

趙岐曰公明高曾子弟子

公明宣

劉向曰公明宣學于曾子

單居離

大戴禮記注曰單居離曾子弟子

公明儀

孔穎達曰子張之喪公明儀爲志焉公明儀是其弟子儀又爲曾子弟子故祭義云公明儀問于曾子曰夫子可以爲孝乎是也

子襄

趙岐曰曾子弟子

公孫尼子

按漢書藝文志儒家有公孫尼子二十八篇雜家有公孫尼一篇顏師古注云七十子之弟子隋經籍志唐藝文志均載公孫尼子一卷注云似孔子弟子沈約謂樂記取公孫尼子劉瓛謂緇衣公孫尼子所作今從顏氏定爲孔子門人

世碩

按漢志世子二十一篇列在儒家者流王充論衡本性篇周人世碩以爲人性有善有惡在所養焉故作

養書一篇宓子賤漆雕開公孫尼子之徒亦論性情與世子相出入志所載宓子十六篇漆雕子十三篇皆宗師仲尼以重其言者也顏師古曰世子陳人七十子之弟子

景子

按漢藝文志景子三篇顏師古云說宓子語似其弟子

王史氏

漢志王史氏二十一篇

劉向曰六國時人

顏師古曰七十子後學者

李克

漢藝文志李克七篇

顏師古曰子夏弟子爲魏文侯相

芊嬰

漢志十八篇

顏師古曰齊人七十子之後

公孫段

韓非曰孔子之後儒分爲八有子張氏子思氏顏氏
孟氏漆雕氏仲良氏公孫氏樂正氏之儒

陶潛曰顏氏傳詩爲道爲諷諫之儒孟氏傳書爲道
爲疏道致遠之儒漆雕氏傳禮爲道爲恭儉莊敬之
儒仲良氏傳樂爲道以和陰陽爲移風易俗之儒樂
正氏傳春秋爲道爲屬辭比事之儒公孫氏傳易爲
道爲潔靜精微之儒

按儒分爲八其一公孫氏傳易者也羣輔錄有明徵
而未詳其名攷晉書太康二年汲郡人不準發魏王

冢得竹書易五篇公孫段與邵陟論易二篇此則公
孫氏之易矣或疑公孫氏爲龍龍字子石雖在七十
子之列不聞傳易若趙人名龍者字子秉故莊子謂
惠子曰儒墨楊秉四與夫子爲五果孰是邪所云秉
者龍也詭辭數萬騁堅白異同之辯初非孔氏弟子
小司馬史記索隱誤認爲一人今考定傳易者爲公
孫段若鄭大夫字伯石者又一人也

縣直父直索隱作豐家語無子象

王應麟曰縣豐唐宋封爵皆不及禮記檀弓有縣子

學海類編
卷之三
九
考據
豈其人與

按子象爲孔子門人見廣韻注此唐宋封爵未之及

云

公休哀

公祈哀

廣韻注孔子門人有公休哀公祈哀

按公祈哀疑卽公皙哀以皙作祈形相類而譌也然
廣韻注旣列孔子弟子公皙哀于前又列孔子門人
公祈哀于後則別是一人未可臆決也

益成括

按晏子春秋景公宿于路寢之宮夜分聞西方有男
子哭者公悲之明日朝問于晏子晏子對曰西郭徙
居布衣之士益成括也父之孝子兄之順弟也又嘗
爲孔子門人今其母不幸而死祔柩未葬家貧身老
子孺恐力不能合祔是以悲也公曰子爲寡人弔之
嬰往弔咎公不辱臨公使男子袒免女子髮筓開凶
門而迎适則适乃與景公同時不當與孟子弟子之
列宋配祀孟子追贈萊陽伯孫宣公言括嘗欲學于

孟子亦疑辭也

歐陽子有言受業者爲弟子受業于弟子者爲門人試稽之論語所云門人皆受業于弟子者也顏淵死門人厚葬之此顏子之弟子也子出門問人此曾子之弟子也子疾病子路使門人爲臣又門人不敬子路此子路之弟子也子夏之門人問交于子張此子夏之弟子也孟子云門人治任將歸入揖于子貢此子貢之弟子也觀洪氏隸釋隸續所載東漢諸碑有弟子復有門生門人弟子固有別矣若夫弟子之子

分比于門人子淵子輿本門人也而列于弟子他如季路之子子崔子輿之子元及華子游之子言思子張之子申詳又齊有芊嬰著芊子十八篇亦七十子之後雖未詳其所師要當互學于七十子者也

又按孔子門人古今人表居第三等者樂正子春段干木田子方第四等者公羊子穀梁子公明高第五等者陽膚第六等者檀弓而子張之子申詳亦置第三等

三

臣等伏查

天下


臣等

臣等

臣等

臣等

臣等



孟子弟子考

清 秀水朱彝尊錫鬯撰

樂正子克宋政和中贈利國侯

趙岐曰孟子弟子爲魯臣

萬子章宋贈博與伯

趙岐曰孟子弟子

公孫子丑宋贈壽光伯

趙岐曰孟子弟子

浩生亦作告子不害宋贈東阿伯

趙岐曰齊人

孟仲子宋贈新蔡伯

趙岐曰孟仲子孟子之從昆弟從學于孟子者也

陳子臻宋贈蓬萊伯

趙岐曰孟子弟子

充子虞宋贈昌樂伯

趙岐曰孟子弟子

屋廬子連宋贈奉符伯

趙岐曰孟子弟子

徐子辟宋贈仙源伯

趙岐曰孟子弟子

陳子代宋贈沂水伯

趙岐曰孟子弟子

彭子更宋贈雷澤伯

趙岐曰孟子弟子

公都子采贈平陰伯

趙岐曰孟子弟子

咸邱子蒙宋贈須城伯

學海類編 卷之二
趙岐曰孟子弟子

高子宋贈泗水伯

趙岐曰高子齊人嘗學于孟子

桃子應宋贈膠水伯

趙岐曰孟子弟子

盆成子括宋贈萊陽伯

孫奭曰盆成括嘗學于孟子

滕子更

趙岐曰滕更滕君之弟來學于孟子

吳萊曰孟子學出于曾子子思荀卿猶從而譏曰世俗之溝愚瞽儒嚙嚙然略法先王案往舊造說而不知其統我則異焉治則法後王而已矣所謂溝愚瞽儒正指萬章公孫丑之徒也荀卿在戰國號稱大儒猶同門異戶如此

顧炎武曰史記索隱以萬章公明高等竝孟子之門人廣韻注又云離婁門人不知其何所本元吳萊著孟子弟子列傳惜乎今不傳也

按趙岐注孟子以季孫子叔二子爲孟子弟子季孫

知孟子意不欲而心欲使孟子就之故曰異哉弟子之所聞也子叔心疑惑之亦以爲可就之矣孫宣公奭猶因其說故政和五年從太常議贈季孫豐城伯子叔乘陽伯自朱子集注出乃始非之世莫有從趙氏之說者矣吳立夫氏撰孟子弟子列傳書雖不傳序稱一十九人則未嘗依朱子去季孫子叔二人益以滕更適合十九人之數考盡心篇公都子曰滕更之在門也趙岐注滕更滕君之弟來學于孟子也其爲弟子甚明不知宋太常之議何獨贈爵不及有不

可解者至于史記索隱以公明高爲孟子弟子而廣韻注謂離婁爲孟子門人無稽之言君子不信又廣韻注詮邱字引孟子齊有曼邱不擇今七篇無其文弟子與其不謂之弟子與吾不得而知之矣

又按班氏古今人表孟子居第二等其弟子公孫丑居第三等萬章樂正子告子高子居第四等徐子居第五等餘不與焉

漢書地理志

卷之六

風

卷之七


第一

卷之八

卷之九

卷之十

卷之十一



姓氏考略

清 秀水陳廷煒昭遠著

伊尹 伊尹力牧之後生於空桑 又呂氏春秋云有
侏女採得嬰兒於空桑後居伊水命曰伊尹正也謂
湯使之正天下故曰尹

接輿 姓陸氏名通

易牙 姓雍氏名巫能辨淄澠之水齊桓夜半不嘍易
牙調五味而食之至旦不覺嘍不喜食也

介子推 姓王氏名光從晉文出亡歸隱緜山

羊舌大夫 晉大夫叔向時攘羊者以羊遺向母埋之
事發檢羊惟舌存國人異之遂以羊舌大夫稱之

文中子 姓王氏名通書列諸子中

翳桑餓人 史記餓人示眯明也注音為祈彌即提彌

明 左傳云是靈輒提彌明嗾獒者也

伯樂 姓孫氏名陽善識馬 韓文云伯樂一顧而冀

北之馬羣遂空

扁鵲 姓秦氏名越人少時為人舍長善醫

鬼谷子 姓王氏名詡受道老子居清溪之鬼谷因號

計然 即辛研也號漁父嘗曰越王烏啄狼步可與同

患難而不可與同安樂遂去越

赤松子 姓黃氏名初平少牧羊遇一道士隨入山得

道家人求得之問羊何在指白石吐之皆起成羊

魯班 即黃初起初平兄亦得仙術又號公輸子性巧

極作飛鳶攻城之具近世效之

呂公 漢高后父魏人名文字叔平善相人

角里先生 姓周氏名術字元通又號霸上先生河內

軹人太伯之後與東園公等稱四皓輔漢孝惠高帝

曰羽翼成矣

東園公 姓韋氏名庚字宣明又云轅秉襄邑人一云姓唐氏字宣明居園中因以爲號

夏黃公 姓崔氏名廣字少通齊人隱居夏里修道故曰夏黃公

綺里季 姓朱氏名暉

樗里子 姓嬴氏名疾秦惠王之弟也秦人號曰智囊其里有樗樹故號曰樗里子

陸羽 生大樹釋氏牧養之及長自筮姓名得鴻漸子

陸其羽可用爲儀因姓陸名羽號鴻漸品天下名泉著茶經又著毀茶論

徐偃王 徐國君宮人有孕生一卵棄之有大鷓鴣銜卵歸母復煖之生兒宮人取爲己子是爲偃王

孟明視 秦將百里奚子

灌夫 字仲孺父張孟爲灌嬰舍人得幸故蒙灌姓夫喜任俠使酒罵坐

酒禿 姓高氏名元寂棄家祝髮博極羣書脫略跌宕無日不醉醉則歌道中曰酒禿酒禿何榮何辱但見

衣冠成古邱不見江湖爲陵谷後醉死石子岡

揚雄 揚雄自序手易別爲一卷今皆誤爲木易豈不考耶

宇文 南單于之後因獵得玉璽其俗謂天爲宇璽爲文遂以爲姓

五鹿充宗 居五鹿因以爲姓氏其先本齊田氏

慕容 東北夷徙遼西爲鮮卑至涉歸爲單于自云慕容儀之德繼三光之容爲慕容氏也

獨孤 其先本劉氏至後魏在北有三十六姓獨劉不

與因氏爲獨孤

浮邱伯 姓李氏居嵩山作原道歌相鶴經

王喬 周靈王太子晉也好吹笙作鳳鳴乘白鶴揮手謝時人數日方去

釋迦 初姓刹利名悉達后捨國修行受姓瞿曇言王種也本臨狝國王之子祖名摩耶父名屑頭耶母名莫耶剖右脅而生娶妻名耶轉陀生一子名摩侯羅離家修道十二年復歸本國妻子散居行教四十九年沒年八十一歲 一云姓釋氏故世之師其教者

皆謂之釋

東方朔 生三日而父母俱亡或得之而不知其姓以見時東方始明因以姓既長常望空中語後遊鴻濛之澤有老母採桑自言朔母一黃眉翁至指朔曰此我兒吾卻食伏氣三千年一反骨洗髓二千年一剝皮伐毛吾已三洗髓五伐毛矣

西王母 姓何氏字婉妘一號太虛九光龜母也

李昇 南唐烈祖昇本潘氏湖州安吉人父爲安吉砦將嘗因淮將李神福侵吳興 潘氏而去昇遂爲神

福家奴徐溫嘗造神福見而異之求爲養子乃冒姓徐名知誥後改

錢孚 錢鏐第二十八子曰孚爲周錢府上士因去竹而稱錢寔受姓之始

劉繼元 北漢主本姓何北漢世祖女爲晉護聖營卒薛釗妻生子繼恩釗刺傷其妻卽自裁後改適何氏復生子繼元而何與妻皆卒世祖以孝和帝無子使養繼恩繼元皆冒姓劉氏孝和殂繼恩嗣才六十餘日爲霸榮弒又改立繼元

劉繼恩 北漢主本姓薛


劉繼業 本姓楊名重貴重勳兄幼事北漢世祖遂賜姓劉氏賜名繼業

漢興濟北王田安失國齊人謂之王家因以為氏
夏侯嬰曾孫頗尚公主主隨外家姓號孫公主故滕公子孫更為孫氏

周陽由 其父趙兼以淮南王舅侯周陽故因氏焉
麻姑 即王方平之妹嘗降蔡經家經以姑爪長可治背癢方平鞭之曰姑神人也何敢乃爾

伯牙 姓俞氏善鼓琴

壺關三老 白夫人劇死姓令狐名茂



課業餘談卷上

清 秀水陶 煒賓玉述

天

泰元天也亦曰上

御今上

大鈞大圓太清太顛其名最多

鬱華奔日之仙也亦名鬱儀結璘奔月之仙也璘一作

鄰曜靈亦日也望舒月御也亦曰織阿含譽景星名也

格澤亦壽星也女牀主後宮之星河鼓即牽牛也白榆

壽星也農丈人星主農政之官也銀潢繩河絳河等名

皆指天河也風伯曰飛廉亦稱箕伯元冥屏翳皆雨師

也滕六降雪巽一起風一雪神一風神也豐隆雷師也
列缺電也雲撓雲屈曲也遲明天未明遲遲其明也質
明正明也陽九奇數也爲陽數之窮百六偶數也爲陰
數之窮皆刼數也龍見角亢爲東方蒼龍之宿農事始
畢辰見東方也火見火星繼角亢者也農祥房星也
辰正正月初也玉燭四氣采醴雀餉似甘露而非枉矢
流星形若火也少女風將雨微風也少男風將雨急風
也風角占風之角驗休咎也亭午日中則亭也

地

黃輿地也漢郊祀志稱地神爲泰媪提封封積土表界
也提舉也舉四封之內而計之也宗膾胥敖叢枝堯時
國也吳泉虞淵也影國附庸也厠水岸也又溷所也山
椒山頂也窮髮不毛地也結恨三泉三泉爲小數之終
言深也極深爲九泉智冤井無水井也蓬顆蓬土也鉤
盾弄田宴游之田天子所弄也仙的峰之尖射者也阡
陌田閒車馬大道也商鞅盡開之爲田則田多而疆界
廢所謂開阡陌也

人物稱謂

同產子養昆弟之子爲子也耳孫元孫之子但耳聞也
尊章舅姑也彌甥對父舅而言也食子子奉養者也收
子子葬身者也門子卿大夫之嫡子謂代父立門戶也
侷子逐疫人漢大儺則選黃門子弟以逐疫也覲猶巫
也女曰巫男曰覲蹇修古賢媒也靈氛善卜人也巫咸
古神巫也變童崽子皆美童也公主天子女下嫁必使
上公主婚曰公主也葭莩之親葭蘆也莩其筍中白皮
物之至薄者言薄親也贅子贅質也質子與人三年不
贖遂沒爲奴也顏行在前行者也縣官宅家大家天家

歷代稱天子也郎君唐奴稱主人也前輩唐宋通稱猶
今先生也倜倜接也仔美也姪娥亦美也杜連一曰
田連善鼓琴者也使娟一曰娟淵一曰娟蠓辨士也支
離善屠人也又偃人也倭傀醜女也闔跂偃人也

官

涓人涓潔也掃除涓潔之人也司李卽司理也皋陶爲
大理其孫利貞值商季逃難食木子得全故姓李氏也
中候軍中候吏也補黑衣之缺黑衣衛士服也祕祝秦
官國有大災祕過於下移諱其事也漢桓使具瑗將左

右廡騶廡騶騎士也復陶晉典衣官也中二千石中滿也輿臺輿眾也佐眾舉事臺給臺下厮役者也中盾卽中允也率更爲太子掌更漏也洗先馬馬在前行猶導馬也大田大農也闡人精氣奄閉也尙書機衡機衡北斗二星名於天文爲喉舌也尙書秦爲天子主書者也千牛刀名也象胥譯語人也蒲類將軍蒲類西海名鴻臚鴻大也臚傳也大聲傳道也端公唐稱御史也金吾鳥名性不睡故用以巡警也節推節度使推官也鞮鞻氏夷樂官也

禮

受釐受禧也原廟再作廟也謀求子之神也伏臘伏者金氣伏藏之日也冬至後祭百神曰臘泰折方澤之形四曲折也餽食墜似接續而祭祭羣神從者也獶狂狂鬼也族人炊古主炊爨神也膏蕭脂及香草也鬼上鬼走也馬步害馬神也媮魃祭魃祭物也祖道祖祭名卽軼祭行人祭黃帝子纍祖也封爲壇以祭天禪爲壇以祭地也禪本作墀縣蕞立竹束茅引繩界位以習禮也獶腹腹祭名獶以立秋日祭獸

王者亦以其日出臘還祭宗廟也受脰受社祭肉也盛以脰器脰蜃也宗祏托廟中藏主石室也

樂

立均木長七尺而施弦以考樂音者也方響上圓下方磬類也淳于形如鐘而口弇懸而振之以和鼓也玉蠡大螺也宮懸四面懸也軒懸缺南面也判懸東西懸也特懸獨懸一肆也參差洞簫也據槁梧梧琴也楚如豎簫而長者也徘徊房露房露古曲名孤子之鉤以爲隱九寡之珥以爲約隱琴隱長四寸五分約卽琴徽也九

寡九子之寡母取其聲哀也以下散樂唐梯弄梯戲也角觝兩兩相當角伎力也象人假面戲也追人分肢截首戲也奇蟲魚龍戲也拔河分朋對挽競勝戲也都盧緣高戲也都盧國名其人體輕而善緣也高緹更步索戲也尋撞緣竿戲也白打宮中鬪戲也潑寒胡以水潑人效寒胡戲也蹙鞠卽蹴鞠也

器

琨蔽玉箸也六博者投之以行碁琨作筭同彈碁兩人黑白子各六碁局中心凸列碁相當彈中者勝也格五

學海類編 卷之六
五
者據
簊也簊有四采至五卽格不行故謂之格意錢一曰詭
億一曰射意卽灘錢也方罫碁局閒線目也晉制犀比
比集也言晉工作博碁之著比集犀角以爲飾也剛卯
漢人於正月卯日刻金玉桃木爲佩以當吉祥逐疫者
也赤仄錢以赤銅爲其郭錢紺色也筴錢如榆筴也紫
泥天子六璽皆以五卽紫泥封之牢盆牢價值也盆鬻
鹽盆也淳金釵器金飾器口也寓錢象泉皆紙錢也倓
賅同蠻夷贖罪貨也藻率韋爲之以藉玉也鐔淫衛劍
飾劍口旁橫出者也衛劍鼻也羽葆鳥羽蓋也劍履皆

軍容軍容不入國劍履上殿殊禮也履以皮爲之盤戾
綬盤草名以草染綬也鞞鞞佩刀上下飾也洪頤旌名
虹霓爲纓纓旗上旛也鮫鞞馬服草以鮫皮爲之星施
旌也罽獨麗小網也罽蹄連網罽麋網蹄兔網也罽罽
也互屠家掛肉物也樁菊登山履也以鐵爲之如錐頭
施履不蹉跌也別作櫟雷榻義同櫪以木爲之如箕形
行泥上也胡牀今交椅也皋比虎皮褥也毳毼毛席也
書櫃盛書夾也六麴竹織方扇也便面障面扇也膝滕
有帶囊也藥裏藥囊也篋輿竹器除糞土者也赫蹏蹄

薄小紙也軍持淨瓶也甌無底甌也積竹杖攢竹杖也
 鋸筩鋸盛錢器即撲滿以竹為筩如鋸狀投密告之書
 可入而不可出也筵筭筵小破竹也折草卜曰筭梲薦
 澱笮笮星皆漁具也漢侍中掌虎子虎子便溺之器也
 數

一金金四方一寸也古秤一斤今重四兩陌百也唐以
 八十錢為陌宋以百錢為陌緡亦百錢也或曰千錢漢
 六斗準今一斗七升九合一斗準今二升九合八勺三
 抄三撮秤三斤準今十三兩一斤準今四兩三錢三分

三釐若干未定之詞千從一從十言或如一或如十也
 一端二丈也一匹兩端也百雉三百丈也雉飛不過三
 丈庭實旅百庭中所陳其品數百也錦繡千純屯千束
 也

賦役

收介特卹單身民也登下開收民版也繭絲謂浚民之
 膏如抽繭絲不盡不止也保障謂厚民之生如築障自
 衛也發閭左之戍秦民復除者居閭之左因戍不足併
 復除者發之也卒更正卒一月一更也踐更出錢顧貧

者月與二千也過更天下之民皆應三日戍邊不能盡
行人出錢三百入官官爲給戍也頭會箕斂從人頭數
出穀以箕斂之也流庸流民出外爲傭也緡錢二千而
一算漢武計人貲錢每二千令人一算算百二十錢也
馬復令養馬免徑役也形民之力言隨民力任使如金
冶器隨物制形也以律占租出租如法不於律外取之
也半牀租調男子有妻者爲一牀無妻者半之也粟謂
之租力役謂之庸布帛謂之調兩稅夏秋兩納正稅不
零輸也除陌於民市易除其陌頭之錢也保馬保官之
馬而養之令無死傷也方田限民田而計以方也手實
令民手書其戶口田畝之實數也月椿錢諸州封椿之
錢按月解發不可蠲損也版帳錢起民間苛稅書之於
版也經總制錢經制使所統額外之稅月椿板帳之類
也

學海類編 卷中 八

課業餘談卷中

形體

清 秀水陶 煒賓玉述

皸均 坼裂瘵 竹凍瘡也 睚眦怒目也 盱衡眉上曰衡謂

舉眉揚目也 欽頤曲頷也 折額 邊折鼻莖也 露紒即露

髻也 坐行膝行也 視流視不端也 目雷以目雷連也 搏

膺搥胸也 噢咻痛念聲也 宵貌肖貌也 心儀心向也 壯

髮當額前髮侵下而生也 洿汗米米言米淚汗集垂下

也 清盧盧童子也 呂馬童面之面之不正視也 意烏怒

學海類編 卷中 一 課業餘談卷中 考據

聲而擁樹馳以面擁之立而馳車中也魁結椎髻也頤指頤動而指使也踈盤戾踈與蹠同脚掌病戾不可行也摔胡摔頸也邊墜失據而墜也上僂肩偃也罄折曲躬如罄也甚口有口辨也夔衛言過言也緩頰徐言也股弁股戰若弁也宛舌屈舌也盛鬚盛鬢也曼聒潤澤其視也跼躒曳疾也偏髻茅髮覆眉也絆變月事也義甲假爪甲以彈箏者也臧三耳臧獲之臧奴也奴本兩耳更有一主聽者爲三耳也絕脰斷頸也絕元斷喉也戟手詈人狀舉手如戟形也煩手奏樂不以正也三折

肱言其臂三次損折歷病之多乃爲良醫也恙食心蟲也古者草居露宿多被此苦故問人疾苦以爲恙也熊經身不動而迴顧導引者學其法也踈卻足蹠之也君將殼學之殼嘔吐也重脰墜下腫病也癡癩小兒病也犴糠舐糠也旨侯夢楚子鹽其腦鹽以口啜也諄服卽呼灼薄關西人以被杖而呼爲呼灼又呼暑義亦同墜言失言也漂言浮言也將指足大指也鼻鼻被戲作力貌神蕊形茹蕊垂屈茹臭敗也卹削刻畫也言伎人美麗如刻畫而成也沮顏焦齒梟瞞俱四夷之狀也龜手

凍拆也前者唱于隨者唱禺于小聲禺大聲哀駘醜貌
句勾贅項馗椎也娉婉容也婷和色也噤哂忍口怒齒
也丹的宮人有月事者以丹注額避進御也鑽簪頭伏
地也軒渠笑狀也

飲食

雋永雋肥肉也漿酒霍肉霍豆葉也言視酒如漿肉如
霍也張飲供帳也具器食一盤食也翠鵝鳴尾上圓肉
也搆同酒以馬乳爲酒撞搆而成者也舉白見器空白
以驗乾也大白大爵也酌印少飲酒以潔口也水曰嗽

酒曰酌偏提酒注子也裏蒸以糖物和米竹籜裏蒸之
若今角黍也餠髓丸餅今之元宵子也胡餅今燒餅言
以胡麻著餅上也草具草率之具也攻苦食啖啖淡也
鬱養彊就謂非時進御之物皆火室蒸鬱強使成熟也
熊白熊當心白脂也苦酒今醋也蓐食朝食於蓐寢也
露雞露栖之雞也山膚芳椒之類產於山故曰山膚也
雕胡菰米也安胡同霜蓄霜時菜也起溲蒸餅也不托
饌飪今湯麪也畢羅亦湯麪也餽餽餽也廊餐唐制常
朝賜百官食也杜舉揚解潔洗而後舉也禮始杜簣故

云

服

諸于大掖衣也祿象飾盛飾也側注冠側立而下注也
阿錫細繒也戴勝龐婦人玉首飾也革踏皮履也履綦
履下飾也都布卽荅布白疊也短褐短衣長襦也童豎
所著厠踰近身小衫也牛衣編亂麻爲之不得要領要
腰也持衣者先領持裳者先腰也龐服雜色服也袒日
服婦人內衣也韎韋之跗戎服若袴而屬於跗也弁髦
童子垂髦加弁旣冠棄之也復陶裘也衣製雨衣也弋

綈黑色粗帛也窮袴有前後襠不得通也袿圭婦人上
服也襪衫袿婦人長帶也羸服微服也祛袖口也算勝
騰算袋也縻曳帶也屣履卽草履也白越白布也葛越
葛布也露卯屐齒達褊上也承露古巾名也羃羅離帷
帽蓋面者也縉紳縉作搢插也謂插其笏於紳也又作
薦紳薦進也進而插之也袂褊漁服也不借草履言價
賤不須借也取我衣冠而褚之褚藏也侈者畏法藏其
美衣冠也踊則足者履也玉導所以導髮入冠幘中如
今抵也岑牟樂工短衣也揚袖以戍削袖衣袖也戍削

學海類編 卷之四 考據
裁制也萃蔡衣聲也

宮室

虎落編竹爲藩拒虎者也罍思淨思簷戶門網也突夏
複屋也仙陀佛寺也按堵按其次第牆壁不動也觚稜
殿堂最高處也駘蕩漢宮名言春時景物滿也馭鞞娑
亦漢宮名二字本狀馬行迅疾言宮之深大迅行乃徧
也枌意指亦漢宮名言美木盛也杜治奉道家淨室也
甌脫土室邊人候望伏宿之處也甲第甲於諸第也嚴
籞天子射苑也壁帶爲黃金缸工壁帶壁中橫木露出

如帶者也壁帶中以金環飾之如車缸也廡廡屠蘇平
屋也庠迓舍野中迓候賓客之處也屈戍窗上銅鐵扣
也塽輓平聲垣宮外垣也門牡門鍵也以鐵爲之枅棖
屋中央也窠數梁上四柱交疊如蟲狀也突奧窠東南
隅奧西南隅也游極梁上浮柱也陽馬角梁也雙枚重
梁也檝津櫨曲短梁也雲塗梁上柱也禁楩駢短方牀
也宋廡芒潘大梁也櫨栝連簷也符簷椽上竹也藁街
待蠻夷之館也柎櫪行馬今攬眾也

舟車

舳艫舳船尾安柁處艫船頭刺棹處也濯歌擢歌也艘
 宗舟著沙不行也五兩候風鳥羽建桅上者也鹿車車
 小裁容一鹿也輶輶車猶溫涼也方鈇解輶旁以五寸
 鐵貫中以翟尾著之輶兩旁恐馬相突也左纛以旄牛
 尾置驂馬頭上以亂馬目不令相見也紫軼第車轄也
 韓魏閒方言屬車車馬相屬連縣不絕也銜檠之變銜
 馬銜也檠車之鉤心也言或銜斷或檠傾也柴車賤者
 所乘言曳柴也柴轂同露車載物之車無帷蓋者也金
 根車天子所乘金畫交龍於轄上也說輶脫車下縛也

輦路路輅同柴車也軫車兵車也楚人憇之脫局憇教
 也局車上兵闌也輦差車連車也巾車車之有帷者也
 鹵簿車駕儀衛也鹵大楯法駕從物其所陳次第著之
 於簿故曰鹵簿也

草木

卷施宿莽也昌歎菖蒲菹也新雉香草也伏鴟即蹲鴟
 芋也荅還離支荅還似李離支即荔枝也槐生五日曰
 兔目十日曰鼠耳窾木空木也澀勒竹之有芒者如一
 名篋笏徙勞樾兩樹交陰也君遷輓棗今丁香柿也如

何九百歲一實長五尺而甘羅鹿梨也盧橘金橘也繫
計梅楊梅也栩椽樹也藟覃苳潘知母也文無當歸也
將離芍藥也杜若似良薑而細者也杜衡馬蹄香也狀
如葵藿矩醬土葦菱也蔓生即今葦葉夫須莎香附也
菹益母也菴卷耳即今蒼耳天苴芭蕉也菟葵紫背天
葵也鮮支梔子也山礬芸香也燕麥野麥也腐婢赤小
豆花也戎菽豌豆也樵蘇樵取薪蘇取草也

鳥獸蟲魚

慈鷓母雞也交睛似鳧而脚高辟火屬玉辟水旋目皆

鳥名也青鞞雉尾閒青毛也潛鵠似鵠而大謝豹杜鵑
也題鳩桂亦杜鵑也駿驥儀錦雞也鴛即鸚似鶉無斑
者也鷓鴣燕也鷓鴣寒號蟲也鴟即伯勞今苦鳥呼姑
惡者也爽鳩鷹也祝鳩班鳩也泛捧駕之馬覆馬也齧
藜之馬良馬低頭口全膝也肅爽良馬也雞斯戎馬釋
西伯囚者也騰遠射干皆猿類鳴陽狒也啄卵生也乳
胎生也山都形如崑崙體生毛獸類鬼也荼首兩頭鹿
也騶情馬騶介馬也宮形曰騶俗謂扇馬風馬牛不相
及牝牡相誘曰風言雖馬牛風軼而奔亦不相及也鹿

死不擇音音作蔭休蔭之處也婁豬求牡之豬艾豨艾
老也豨牡豬也鬣般虎皮也般與斑同牛馬維婁維馬
繫也婁牛繫也瘳記狗狂狗也柑馬而秣之柑木銜馬
口也駢旄之盟旄牛也言大盟也昆躡好馬名蹄平善
登山也周陟區遮禽獸爲陣圍也獬狃猿類而白腰以
上黑獮似狐青色居水中食魚者也獮獮狃篇丹以爲
雌獮狃一名獮狃似猿而狗首言非類爲牝牡也王孫
猴屬也果然獸似猴者也程豹也蜻蛉蟋蟀也蛾與蟻
同范蜜蜂也炳魚書蠹也鳴蛤蛙也胸臆蠹閨蚯蚓也
沈虎虎頭魚也潛鹿鹿頭魚也昭兆寶龜也魚牛狀如
牛陵居蛇尾有翼者也宴靈一曰木一曰元龜也率然
大蛇也鯨鯢也鯨鯢河豚也鯨鯢魚腸也

課業餘談卷下

清 秀水陶 煒賓玉述

武

期門漢武微行與左右騎射者期於殿門後因以名軍也戊己較尉諸干皆有正位惟戊己寄治言於西域無定居也要害於我爲要於敵爲害也伍伯當道驅除之卒也亦曰五百烈卒巡人也哀師伏兵衝擊其中也橫草之功橫臥草中言勞苦也武彘精兵也當百軍吏也尺籍五五相保之符也蹲甲而射積甲射之以比力也

漏師泄漏軍事也交綏兩軍皆退也軍退曰綏射麋麗
龜麗著也龜背當心高處也于撤夜巡也楯瓦楯脊也
執鉞執劍也績笈績赤色草可爲染者笈旆同赤旆也
呼庚癸庚西方主穀癸北方主水軍中乞糧之隱語也
叟兵蜀兵也漢方言謂蜀爲叟連拄連刺也躒札柳端
午軍中走馬射柳也雞翹插雞尾以告急也按聯貫木
爲營相聯不絕也餘皇戰船也金支羽蓋也李陵傳張
空卷卷弩也空卷無契之弩也擘張手張弩也蹶張足
踏弩也大黃肩弩也負簾簾盛弩矢者也一作鞬排撤

正弓弩之器也秦弩發箭處也黃閒射雉弩也剛挂射
雉弩矢也瓊服弩車闌閒置皮筐以安弩者也谿子蠻
中柘弩也巨黍古良弓也忘歸箭也夏服夏后之盛箭
器也曠郭弩曠引滿也贛箭之服也大屈弓名也五兵
矛戟弓劍戈也劍琢當作塊劍鼻玉也鞬鞞提鞮兜鞮
也革筭皮甲也木薦木楯也渠荅蒺藜也菴盧軍行宿
室也迤以戛斜挂長矛也蘭錡兵架也賜夷甲名勃盧
矛名劓劓曲刀也棘矜棘戟也矜戟把也檠戟有衣之
戟也歐刀劍也中黃方五之旗各以其色居中者黃也

刑

令甲法令首篇也漢宣帝詔令乙第二篇也江充傳令丙第三篇也漢章帝詔慮囚卽錄囚也椎埋槌殺人而埋之也搏掩搏人而掩取其財也伏質質鍤也古者斬人加於鍤上而斫之腐刑腐木不生實也城旦舂男子旦起行治城婦人則舂也鬼薪取薪給宗廟也白粲擇米使白也暴室掖庭之室取曝曬衣也薄室義同請室請罪之室也爰書爰換也以文書換口詞也琅璫長鎖也榜掠一曰笞格擊也董卓縱軍士搜牢謂牢固貨藏

者皆搜取之也無噍類噍讀嚼食也言無復活而噍食者也疏捕搜捕也又尋其足跡而捕之也臂掇薩側手毆人也狙擊密伺擊人也乳藥飲鳩鎖也唐宣武兵變執城將曹全另之另卽剛字也從刀與另異耐耐刑去頰旁毛也鈇鈇鑽椎鑿之類酷刑也胥靡胥相也靡隨也古者輕刑聯綴之使服役也殊死斬刑言身首殊異其處也髡鉗鉗以鐵束項也稚舂手舂也鈇左趾以鐵鉗著左指以代刑也沈命法沈沒也取蔽匿盜賊者沒其命也瘐與死繫囚以飢寒死也女徒雇山錢女徒當

學海類編 卷之三
於山伐薪令月出錢三百以雇人也弛刑弛解也解
罪而輸作者也三木囊頭頭及手足皆有械更以物蒙
其頭也面縛縛手於後惟見其面也奇幾請它比主者
於常文之外別有所請引他律以定罪也頌繫頌容也
寬容之不桎梏也

喪

窀穸 貶戊窀厚也穸夜也猶言長夜謂葬也 楩柎棺中
靈牀也樽小棺也東園祕器東園署名其器如方漆桶
缺其一而安鏡於中以殉葬蓋東園署所作也橐葬橐

草也葬禮草率也方中天子陵中也銀鏤黃腸以銀鏤
棺以松木黃心爲槨曰黃腸也綖送死者衣也 崩崩去聲
下棺於土也屬辟皆棺也王棺四重二重爲辟三重爲
屬羨延墓道也 殍有身亡也槨榜棺全一邊者也 百金
祝贈終者衣被也和棺兩頭也翰檜翰棺旁飾檜棺上
飾也聖周夏棺名也

人事雜解

醞藉如醞有味如物有藉也媒槩媒酒醇也槩麴也言
造作而成如酒之媒槩也齊人名麴餅曰媒相駁執意

學海類編
不同如馬駁色也矯虔矯托上命而固爲邪也感槩感
而立節槩也首鼠兩端如首鼠一前一卻也尉薦安慰
而薦達之也陵夷如邱陵之平夷也蟠木得爲天子器
以左右爲之先容容雕飾也先爲雕飾然後得見天子
也侵牟如牟賊之食苗也稽故稽留以事故也旁午一
從一橫也又曰分布也蠶午猶雜沓也薄遽迫速也碁
閒謂毒亂也選爽怯不前也飢馘委被屈曲也捏畢撞
拙皆撞而倒也滑稽吸酒曲器也轉注吐酒終日不已
借以擬人之善言也鹵莽耕不善也滅裂芸不善也操

奇贏謂有贏餘之財蓄積奇物也掌故掌故府之典籍
也發蒙振落物有所蒙發而去之葉將落振而墜之也
有卻有隙也奏厠向厠也闌入闌出妄出入也回容回
護也立表示人曰標揭書示人曰榜標榜猶表揭也阿
堵猶此處也甯馨猶如此也狼藉狼藉草而臥去則凌
亂也模稜捫捩也模之可左可右疲飢極疲倦也旁魄
猶旁礴也舛蠻蛟類喻羣集而眾多也地忍之第忍之
也竭來去來也不訾不可量也藉甚狼藉甚盛也貫行
謂條陳事相續而行之也仞積仞滿也伊優屈曲佞媚

學海類編 卷下
之狀宴娛與嬉同庶有豸至乎豸解也折閱所閱買
易之價虧折也罨畫龍色畫也姑布相術也覲羅縷委
曲也

古音轉注

欵乃襖靄委蛇透迤万俟木其冒頓沒突可汗克寒

闕氏胭脂龜茲邱慈允吾鉛芽袒免但問宿留秀溜

嫪毒勞靄彳亍躑躅汴防什方食其異雞日磳密低

曲逆區遇牂牁臧哥咎繇皋陶茶首蔡茂方良罔兩

斯占賜覘控揔空忽盧維雷雍獬鬣犀比隆慮林閭

畏佳隗惟嶧隗摧頽蟹螺偃僂梁闇諒闇辟倪睥睨

魁結椎髻身毒捐竺慮虺盧夷朱提殊時取慮趨閭

惡池溲沱谷蠡鹿離枹罕夫謙狝氏拳精格澤郭鐸

瀧雙水句讀豆肅爽霜月氏支汨密羅

不其箕魯般班先零憐赤市芾樊於烏期

姑射亦令連居甯審馨疆場亦選懦輓

盟孟津增繳勺方防與單蟬于繁皤延壽

綸關巾犧梭樽率律更平反翻牢愁曹

風裁采落魄拓服避匿濡丸水朝請去聲

休屠儲

莫囂敖

酒鎗鎗

旁魄薄

旖旎儺

天苴巴

褒余斜

元端冕

妖蠱冶

三紅絳

鬱蘊隆

日施移

須搖曳

伊帆祈

旖旎旒

柴差池

摻參差

斗獻希

無慮閭

義儀臺

遁逡巡

焯庖人

翩幅翻

餘汗干

烏旦桓

輪邊扁

宛鬱拳

團焦標

揣摩摩

華聊驢

中盾允

淫濫預

川欄棟

炫爚曜

倜傴悵

鬱壘律

都龐龍

觜崔星

皋比皮

徙斯縣

沙羨夷

費蜚禕

虔劉廬

宛句劬

倪來黎

商顏崖

負陪尾

涖漢灘

井幹韓

關灣弓

羨延門

澁蹉水

茄荷鷺

烏雅秣

諸遮於

不羹郎

僕區甌

涑洩水

汜帆勝

隋妥星


大宛冤

學海類編

卷

七

未



廣事同纂

清 攜李沈廷文元衡述

王元美事同纂一篇自言隨所記憶尚多遺漏予于
史書中間有所得遂依其文義而廣之

聖主時投水人知有卞隨務光而不知有北宮無擇騎

青牛人知有老子而不知有封達生空桑人知有伊尹

而不知有孔子

見春秋
孔演圖

白魚入舟人知有周武王而不

知有宋明帝河澌冰合人知有漢光武之滹沱而不知
有慕容德之黎陽鳳雛號人知有龐統而不知有顧邵

學海類編
獻胙加毒以讒賜死人知有晉獻公子申生而不知有
秦孝文王子西蜀侯惲思妾令方士致魂人知漢武之
於李夫人而不知宋武之於殷淑儀治阿譽聞而阿不
治人知有齊宣王之大夫而不知景公之晏子夢寐求
相人知高宗之傳說而不知文王之臧丈人題壁作龍
蛇歌人知有晉文之介子推而不知晉文之舟之僑既
許楚地而背之人知張儀之於楚懷王而不知馮之
於楚王先食不死之藥而巧言以免死人知方朔之於
漢武帝而不知中射之士之於楚王一字直百金人知

淮南子而不知公孫子

丞相宏

妻棄夫者人知朱買臣而

不知太公望沈江負父屍人知有孝女曹娥而不知趙
社女絡掘地得石槨人知有滕公而不知有衛靈飛廉
看竹不問主人知有王徽之而不知有袁粲倚柱讀書
雷震不輟人知有夏侯元而不知有諸葛誕獲偷侍兒
人試文不殺因以賜之人知有楊素之於李伯藥而不
知有蔡興宗之於孫敬玉侍婢環執飲饌人知有王武
子而不知有楊國忠孫晟國忠晟人俱號肉臺盤羊羹
不徧致敗人知華元之於御斟而不知中山王之於司

馬子期乳生湏人知有元德秀而不知有李善綵衣娛
戲人知有老萊而不知有伯瑜知囊人知有晁錯而不
知有樗里子魯匡讀易至損益而嘆人知有向平而不
知有孔子佩六印人知有蘇秦而不知有欒大以石爲
虎射之没羽人知有李廣李遠而不知有熊渠子又王
充論衡乃云是養由基充以由基射晉侯中目而不能
殺之爲辨極可笑射楚王中目者呂錡由基以一矢射
錡伏而死也逐兔墮馬折肋而殂人知齊主高演而不
知燕主慕容皝倒用印人知有段秀實之阻朱泚而不

知有李崧之安蜀一日殺二義士人知有袁紹之於臧
洪陳容而不知有張敬兒之於邊榮程邕之能使人主
前席人知有賈誼而不知有商鞅蘇綽飲千日酒至期
發冢而醒人知有劉元石而不知趙英御屏隔座人知
有漢鄭宏第五倫而不知有吳紀亮紀鷲杯中蛇影人
知有樂廣而不知有南皮令應柳樂弓應弩殺孝婦大旱三
年人知有前漢之東海而不知有後漢之上虞萬石君
人知有石奮而不知有秦襲張文瓘留犢事人知有時
苗而不知有羊扁食脫粟人知有公孫宏而不知有晏

嬰錢神論人知有魯褒而不知有胡母民成公綏記半
面人知有楊愔而不知有應鳳陳蕃下榻人知有徐穉
而不知有周球雪中高臥人知有袁安而不知有胡定
夢贈筆人知有江淹而不和有王彪之王珣紀少瑜陸
倕李白和凝馬裔孫其事稍異喫酒救火人知有欒巴而不
知有樊英邵信臣郭憲佛圖澄成武丁入水戮蛟人知
有周處而不知有澹臺子羽荆飲飛菑邱訢羊車游後
宮鹽水灑地人知有晉武而不知有宋文御膳中有髮
自疏三罪以免死人知晉平公之庖人而不知光武之

正因病嘗糞人知越王句踐之於吳王夫差而不知
郭宏霸之於魏元忠以酒賜妒婦飲之無恙人知太宗
之於房元齡而不知莊宗之於任圜卽席盡器飲酒歸
而尙醒稱所得器人知裴宏泰之於裴鈞而不知潘岷
之之於朱梁太祖下第獻燕詩座主以明年登第人知
有章孝標而不知有于化成刻石高山深谷人知有杜
預而不知有顏真卿賜行酒炙人知有顧榮而不知有
何遜陰鏗一箭落雙鷗人知有斛律光而不知自拓拔
幹高駢錦纜事人知有隋煬而不知有甘甯然脂膏爲

燭人知有董卓而不知有滿奮還帶陰德至相位人知有裴中令而不知有白中令少孤門生廢蓼莪人知有王哀而不知有顧歡發冢類遠祖貌人知有蕭穎士之於鄱陽王而不知有吳綱之於長沙王入山妻二仙女久而歸人知有天台之劉晨阮肇而不知剡縣之袁柏郎顧因食辨勞薪人知有荀最而不知有師曠強索妾人知有孫秀武承嗣而不知有阮佃夫聞鼓角聲加敬人知有范雲之於梁武而不知有到仲舉之於陳武告靈不仕人知有王羲之而不知有何偃通它心觀人知

有忠國 之於大耳三藏而不知有普寂之於柳中庸

祭賽 書刀在廟鯉魚爲送人知有馬當山之王昌齡

而不知有宮亭湖之估客弈棋覆局人知有王粲而不

知有到溉製千字文人知有周興嗣而不知有蕭子範

贈柳妾人知有韓珩而不知有李還古卽位御牀陷地

人知有桓元而不知有侯景誤食澡豆人知有王敦而

不知有陸暢殞逆旅書生人知有王恂而不知有鮑子

都廖有方橋神貌醜以足潛畫之人知有定州之張平

子而不知有忖畱神之魯般駱駝負水養魚軍中人知

有宋孫仁祐而不知有隋虞孝仁殺負心僕人知有張
詠而不知有柳開金蓮歸院人知有蘇軾而不知有王
珪

